

77390

100 220.157

34

Ep 10 12



欽定四庫全書

句容縣志卷第四

古蹟志

名勝 庵堂

塚墓

祠廟

寺觀

宮院

殿壇

名勝

瑯琊城在縣北六十里瑯琊鄉晉元帝以瑯琊王過江國人隨而居之因城焉今廢一日即金城

吳後主寶鼎二年以靈輿法駕迎神於明陵使丞相陵凱奉牲醴祭於郊後主於金城門外露宿明陵乃後主父故太子和陵也 金陵世紀

晉元帝大興元年瑯琊王睿即皇帝位始置懷德縣於建康以處瑯琊國人隨渡江者隸丹陽郡永為湯沐邑置南瑯琊郡於江乘 晉書

成帝咸康元年桓溫領瑯琊郡鎮江乘之蒲州金城溫以瑯

句容縣志

卷四

古蹟志

名勝

一

琊雖有相而無其地求割江乘縣境立郡從之郡始有實土

桓溫列傳

溫後北伐行經金城見為瑯琊內史時所種柳皆十圍因歎

曰木猶如此人何以堪攀枝執條泫然流涕 世說

江乘南岸有瑯琊城本始金城齊武帝永明元年移白下 齊書

江乘南岸蒲州津有瑯琊城即句容瑯琊鄉相接地 南徐州記

金城即句容之瑯琊城 戚氏志

王融詩白日映丹羽頽霞文翠旃凌山炫組甲帶水被戈船

江孝嗣詩驅車去連翩日下情不息芳柳似佳人惆悵予何

極薄暮苦羈愁終朝傷旅食丈夫許人世安得顧心臆按劍

勿復言誰能耕與織

謝朓詩春朝麗白日阿閣跨層樓滄江忽渺渺烟波復悠悠

京洛多塵霧淮濟未安流豈不思撫劍惜哉無輕舟夫君良自勉歲暮忽淹留

徐敬業詩甘泉警烽埃上谷抵樓蘭此江稱豁險茲山復鬱盤表裏窮形勝襟帶盡巖巒修篁狀下屬危樓峻上干登陴起遐望回首見長安金溝朝灞滙甬道人駕鸞鮮車驚華轂汗馬躍銀鞍少年負壯氣耿介立衝冠懷紀燕山石思封函谷丸豈知霸上戲差取路傍歡寄言封侯者數奇良可歎

按金陵新志曰金城在今上元縣東北三十五里金陵鄉係孫吳所築舊名金城戍晉太康八年謝安勞師於金城卽此又歷考紀載謂瑯琊城卽是金城在今句容縣瑯琊鄉要之句容之瑯琊鄉與上元縣之金陵鄉接壤連塍皆古江乘縣地兩城合蹟信不謬擬迨齊武帝

句容縣志

卷四

古蹟志

名勝

二

徙城於白下則永明六年講武之瑯琊城指白下言也王江徐謝四君俱有講武瑯琊應詔詩雖非句容之事而其蹟則自此遷也因照府志採列詩以備考

竹里城在縣北六十里瑯琊鄉東陽鎮齊永元二年崔慧景叛向建康遣驍騎將軍張佛護直閣將軍徐元稱等六將據竹里爲數城以拒之今廢

建康志

鮑昭行京口至竹里詩高柯危且竦峯石橫復仄複澗隱松聲重崖伏雲色水閉寒方壯風動鳥傾翼斯志逢凋嚴孤遊值曛逼兼途無憩鞍半菽不遑食君子樹令名細人効命力不見長河水清濁俱不息

按胡氏通鑑注曰竹里城卽建康竹篠鎮在行宮東北三十里許然此有竹里山王恭用兵足據也注說反誤



仁威壘在縣南白洋門內南史周宏讓於梁承聖初爲國子祭酒一年爲仁威將軍城句容以居命曰仁威壘又故老相傳爲達奚將軍屯兵於此或云棄甲因名甲城南畿志

按南畿志宏讓作洪遜又宏讓本傳係汝南人秉性簡素爲仁威將軍城句容後遂隱居茅山累召不出其稱洪遜有所避諱耶抑別有考耶

大業壘在句容縣北晉郗鑒屯兵京口所築與曲阿慶亭號爲三壘江南通志

南城在縣南五里許福祚鄉

北城在縣東北八里許移風鄉

梧園宮在句容縣西吳王別館有梧楸成林古樂府曰梧宮秋

吳王愁卽此今廢

乾道志

句容縣志

卷四

古蹟志

名勝

三

易并堂在縣治中堂後舊名友樂堂宋淳祐丙午令張榘改建冰玉軒趙時侃前四十八年爲令嘗請於朝均民稅榘其壻也皆金壇人因記曰晉人頌邑令之賢曰冰清日玉潤非敢自謂玉潤繼冰清也將以遠挹前言近瞻往行耳

敕書樓在縣治內宋天聖間邑令承敕乃建樓置其上今廢卽儀門之址也

鼓樓在縣治前宋元豐二年令葉表建卽今之譙樓順治丙申令叢大爲改題華陽樓

文奎樓在儒學東道義門外正統八年令韓鼎建景泰間被燬令浦洪重建卽文昌樓既而改建於明倫堂後爲尊經閣

覽秀樓在縣治南四十里承仙鄉贈南京吏部尙書曹均昂建取其望三茅之秀色故名



昇仙樓在縣治東南隅岳壽山棲止後得道昇仙而去故名至  
今暑天無蚊蠅名曰昇仙街

玉帶樓在縣治東崇明寺藏經院李文定公爲諸生時讀書院  
內月潭僧房戲題壁曰年年山寺聽鳴鐘匹馬長安憶遠公  
異日定須留玉帶題詩未可著紗籠後嘉靖丁未廷封第一  
果應前語官翰林給假南還月潭踵門持楮求書並請踐約  
公書前律笑解所繫玉帶並西番所進番經一冊付之及公  
累官宗伯拜大學士月潭刻詩於石並建樓藏經貯帶用鎮  
山門與古刹共垂不朽

鐘樓在縣治東北崇明寺內唐時建會昌之亂寺毀兵火惟天  
王殿鐘樓獨存規模殊古相傳般郢後人所造趙子昂書扁  
集仙樓在坊郭東南隅集仙橋去縣治二里許景泰三年縣丞

句容縣志

卷四

古蹟志

名勝

四

劉義建成化十二年令濮壽修葺題扁因茅山仙侶往來會  
集於此故名舊呼爲白洋門

宜春樓卽縣之東門因迎春於東郊故名

朝闕樓卽縣之西門因地接南京都下故名

華陽樓卽縣之南門因路通華陽故名

望江樓卽縣之北門因路通大江登可遠望故名

以上四樓俱景泰元年令浦洪建成化十二年令濮壽修葺  
題扁宏治三年令王僖重建以石築臺構樓三間其上

留雲樓在華山戒公池前有松竹叢密時若靉靄繚繞故名前  
有池名蓮花石額曰蓮花域爲蔡屏周題

王槩登留雲樓詩一逕鱗鱗白幾層靜依巖腹倦奔騰松檣  
面面飛空翠石礪重重嵌積冰行息山門求具客坐聞佛曲

出坡僧夕陽看後猶雖捨皎月當空許再登

王謩留雲樓詩傍山跨澗留雲住澗底泉流雲暗度終日無  
心共出山穿林觸石忘歸路石曾點頭同古今樹如聞戒立  
叢林笑他雲水無聊賴木石常生定慧心

愛山亭在縣治後圃舊名秀陰堂宋紹定四年令吳琪重修又  
名愛山堂後廢景泰三年令浦洪重建改爲愛山亭

績績亭在縣治前十字街景泰間令浦洪建豎立修砌街道功  
績學士邢寬碑記在內

碧巖亭在海江山下慶雲洞東有宋相史浩隸書榜至今猶存  
九錫亭在華陽南洞側內有九錫文碑石柱篆刻上書弟子徐  
鍇敬謁華陽洞天等語

繡羽亭在昭明讀書臺東亭覆福鄉井銘碑

句容縣志

卷四

古蹟志

名勝

五

曲水亭在華陽觀西北嶺際喜客泉之支流逶迤而下冬春不  
絕遊賞者以流觴傳飲

朝山亭在大茅山今名奉律亭大書不許婦女上山並條律勒  
於石有禁山碑係唐徐鉉撰

占星臺在縣後圃宋景祐中知縣邱濬明天文登此臺觀象故  
名後改爲先春臺今愛山亭後高墩卽是

義臺在縣治正南儒學前唐貞元五年敕建表彰孝子張常洵  
廬墓處也今爲張氏宗祠又相傳今邑文廟基卽孝子親墓  
故明倫堂前古柏猶云墓樹也堂後一帶名千柏廊昔有柏  
樹千枝故名

王荊公釣臺在縣西北六十里瑯琊鄉東陽鎮華洞圩側

梁昭明太子讀書臺在縣東南四十里昭明嘗從陶隱居學築

臺於此舊址尙存

鶴臺在縣治東南四十里金菌山後常有羣鶴往來宋張道士築此居焉臺前有鳳凰阿

將臺在縣治北蟠龍山下卽韓世忠困兀朮於此其外卽大江古名老鸛河今稱黃天蕩又名擂鼓臺卽梁夫人助戰處繡水王槩老鸛河憑弔詩綠頭花鴨泛春波此是當年老鸛河陵谷頓遷遺鏃出金焦直下亂山多聲吞田父迎神鼓血染魚家織網梭底事軍容輸粉黛南朝士氣盡銷磨蘆根确确雪平鋪鬼火銷鎔戰骨枯徒有好山依北固斷無流水對西湖刀瘢豈欲稱居士金冶何曾鑄大夫剩得青青陵樹下狐狸白晝學人呼

方臺在方山下有洞室兩口見外與華陽通號爲別宇幽館得句容縣志

卷四

古蹟志

名勝

六

道者處焉邑人呼爲白石洞

拜經臺在寶華山之西北上有巨石位置如臺一名曬經又名會君相傳梁武帝會寶誌處向有亭今圯

王著登拜經臺詩雙峯特出高崔巍一山對列如屏開出寺深林穿草徑隔山亂石堆經臺高登坐石憩游足待覓龍池下山麓日午路遙誰曬經仰天臥曝郝隆腹

劉芳登拜經臺詩衣牽蘿薜步行艱出入林阿第幾灣斷澗白雲秋水屋荒園黃葉夕陽山蛟螭窟近煙霞古車馬途遙日月閒臺上拜經人已去江風江雨石苔斑

鳳凰臺在小華山下昔有鳳凰棲止其上因築今地名鳳壇鄉緣此

顯應閣在城隍廟後殿元至元丁丑建景泰元年令浦洪重修



後被燬令劉義倡捐率紳耆復建因邑人祈禱莫不顯應故名

松子閣在縣東北望仙鄉茅莊御史笄重光築此以賦遂初

笄江上自記詩孤閣撫松顛憑欄思渺然山川運福地星斗近諸天色豈黃金盡愁因白髮牽夜深明月上無夢到嬋娟皎月出高樹天孫聞渡河拙惟甘自守巧竟奈人何殘熱銷砧杵新涼掛薜蘿閉門時獨坐不厭客來過幸有棲身地曾無負郭田露華時警鶴秋色在鳴蟬香散芙蓉渚青含薜荔煙不巾復不履靜閱馬蹄篇

許長史舊宅在雷平山北定錄君受言近所標靜舍地此金鄉至室若非長史父子豈得居之後世當有赤子賢者乃得居此鄉耳正古所稱金陵地肺福地也隱居云長史宅久湮人

句容縣志

卷四

古蹟志

名勝

七

無的知其處至長沙景王譚太妃供養道士陳爲立廡於雷平西北卽今北廡也句容王文清後主此廡見傳記中謂長史於此立宅因博訪耆宿至明洪武七年有述墟父老徐偶云先祖伏事長史相傳識此宅只在今廡前烏柏樹處似猶有齋堂形跡惟井獨存於時草萊蕪沒卽芟除尋覓果得磚井土已欲滿乃掘治更加甃累今有好水色小白或云似長安鳳門外水味也二口共一水冬月氣分寒燠

葛仙公舊宅在縣北門外八里許此乃稚川拔宅飛昇之所今改爲小庵供奉仙翁至青元觀之庵乃仙公煉丹之地丹井猶存門上扁額係趙子昂書蓋仙公煉丹七十二處丹成不服日吾功行未滿卽上昇列職天曹於心有愧故在世日上帝卽封左宮仙公世人卽以仙公稱之上昇先一年上帝賜

冠履章服以次年八月十五日昇舉是日空中鸞鶴仙童數百仙翁服丹乘車冉冉上昇親朋及觀者千人共覩仙公空中吟五言詩數十韻以詔徒眾 見本傳內

邑舉人高世傑詩仙翁得道位左宮當其住世稱仙公華陽舊宅洞天通水匝山環在句容七十二處煉丹功丹成不服做老翁玉帝寵錫迎雙龍白日飛昇雲朧朧仙車縹緲五色中作詩仙翁聲在空朗朗吟之下清風仙童數百雲璈動鸞鶴飛空萬目送須臾直上誰其從凡夫頓足成大慟仙道在人人不逢午前子後都悻悻只今舊宅我咫尺歲歲桃花丹井紅

秦鉅宅在縣北寶華山西鉅判蘄州金人犯境與郡守李誠之竭力捍禦城破巷戰死亡殆盡鉅歸署疾呼吏火倉庫繼乃

句容縣志

卷四

古蹟志

名勝

八

自焚有老卒冒火力挽之出鉅叱曰我爲國死汝輩可自求生掣衣就焚而死次子浚先往西祖山兵至亟還與弟潭皆從父死今山下樺樹村皆鉅祖居也

顧著作山房在大茅峰石墨池旁謂顧況也況爲韓滉判官歷江南郡丞校書著作郎遂無復北意結屋山中自號華陽真逸焦山瘞鶴銘是所撰也

顧況憶山中詩春還不得還家在最深山蕙圃泉澆溼松窗月映閑薄田臨谷口小職向人間去處但無事重門深閉關又山居卽事詩下泊降茅仙蕭閒隱洞天楊君媚上法司命駐流年崦合桃花水窗分柳谷煙抱孫堪種樹倚杖問耘田世事休相擾浮名任一邊由來謝安石不解飲靈泉又山中夜宿詩涼月掛層峰蘿牀落葉重掩關深畏虎風起撼長松

又歸山詩心事數莖白髮生涯一片青山空林有雪相待古  
路無人獨還又山中詩野人愛向山中宿況在葛洪丹井西  
庭前有個長松樹夜半子規來上啼

韋夏卿送顧況歸山詩聖代爲遷客虛皇作近臣法尊稱大  
洞顧己受上清學錢溍初眞夏卿初受正一鸞鳳文章麗烟霞翰墨新  
羨君尋句曲白鵠是三神

綦母誠送顧況歸山詩謫宦聞嘗賦游仙便作詩白銀雙闕  
戀青竹一龍騎先入茅君洞旋過葛稚陂泠然列禦寇五日  
有還期

秦系山房與顧著作同在石墨池上秦系會稽人在山穴石爲  
硯注道德經彌年不出張建封聞系不可致請就加校書郎  
自號東海釣客

句容縣志

卷四

古蹟志

名勝

九

劉長卿日秦系頃以家事獲謗因出舊山每荷觀察崔公見  
知欲歸未遂感其流寓詩以贈之初迷武陵路復出孟嘗門  
迴首江南岸青山與舊恩又鶴書猶未至那出白雲來舊路  
經年別寒潮每日迴家空歸海燕人老發江梅最愛門前柳  
閒居手自栽

韋應物答秦系山中詩知掩山扉三十秋魚須翠碧棄牀頭  
莫道謝公方在郡五言今日爲君休

秦系山中自記詩空山歲計是胡麻窮海無梁泛一槎稚子  
惟能覓梨栗逸妻相共老煙霞高吟麗句驚巢鶴閒閉春風  
看落花借問省中何水部今人幾個屬詩家

績麻房在小茅清微道院側洞如小廂方不盈丈高僅立人前  
罅容光如牖傍竇可偃入如戶相傳錢妙眞績麻其中



明湯方平詩滌盡衣上塵行過石梁去欲訪續麻姑雲深知何處

顧起元詩班從南嶽領羣仙遯跡依稀憶昔年囊秘黃庭雨綠字駕乘玄鶴下青田靈池滌後心如水丹竈功成眼似天鳴鳴尙來催夜績銖衣五色更嬋娟

蓬萊方丈在中茅峯

明王守仁詩興劇夜無寐中宵問雨晴水風驚鶴驟巖石映窗明石竇窺淵黑雲梯上水清福庭眞可住塵土奈浮生仙屋煙飛外青蘿隔世譁茶分龍井水飯帶玉田砂香細嵐光雜窗虛峯影遮空林無一事盡日臥丹霞

玄洲精舍在金菌山楚王澗上至元間玉海蔣宗師齋室蓋景行乎玄洲眞人也後句曲外史張嗣眞學道於此

句容縣志

卷四

古蹟志

名勝

十

梁處士周宏讓題壁李基遺故鼎趙嘯絕風雲悠悠千載下更復屬夫君

元趙子昂題予有鸞鶴想甘同麋鹿游懸榻應待我分我半玄洲

紫軒同在玄洲係林眞人所居

張嗣眞詩玄窗太霞氣赤書洞古文借問軒中主莫是紫陽君

趙子昂詩林君已仙去紫軒名尙存丹光時或現藥鼎夜常溫

崔徵君山房在雷平山謂崔定言也其事見抒情詩

朱陽館在雷平山北梁天監中爲隱居陶先生敕買元帝在藩製碑置館東更築隱居住止於館西處士周宏讓宅在朱陽

北二里

梁元帝碑銘曰昔太和中  
有許遠游者乃雲霄之勝  
賓太虛之選客先生規同  
矩合實踵高步曩基先構  
卽架胥宇千尋危聳憑牖  
以望奔星百拱高懸倚櫺  
而觀朝日飛流界道似天  
漢之橫波觸石起雲若奇  
峰之出岫銘曰肇彼冥默  
翻成協贊身託外臣心同  
有亂重道尊德爰積睿衷  
顧懷汾射璽問遙通朱陽  
鬱起華構方崇靜臺冠月  
輕榭迎風嶢嶢高棟杳靄  
修攏極望山川周觀京陸  
碧障千嶺清流萬谷景落  
崖重烟生岫複

洞陽館在華陽觀西政和  
間延康殿學士王漢興高  
士沈子舟鍊大藥處

長沙館在朱陽館之西梁  
昌侯造碑陶宏景製文

句容縣志

卷四

古蹟志

名勝

十一

隱居碑銘曰夫萬象森羅  
不離兩儀所有百法紛湊  
無越三教之境搢紱之士  
飾禮容於闈閣耿介之夫  
敷旌麾於山裔銘曰大哉  
乾元萬物資始皇王受命  
三才乃理惟聖感神惟神  
降祉德被歌鐘名昭圖史  
友于兄弟敬惟西宣言追  
茂實用表遺先敢循舊制  
有革雜章刊石弗朽奕代  
流芳清遠館在朱陽館之  
左平南王爲貞白弟子桓  
清遠造曲林館在小茅峯

陶隱居銘曰側不層嶺外  
峙邃宮內映仄穴旁通縈  
泉遠鏡尙德依仁祈生翊  
命且天且地若凡若聖連  
薨比棟名謂知道參差經  
術跌宕辭藻孰如曲林獨  
爲勁好掩跡韜功守茲偕  
老青玉峽在丁公山東奇  
石林立即深秀軒故址宋  
紹興時參知政事張文簡  
公綱讀書其地

桃花崦在小茅峰北林壑幽邃山桃紛敷不異武陵源

唐顧況思歸桃花崦詩廢棄忝殘生後來亦先天詩人感風  
雨長夜何時曉去國宦情無近鄉歸夢少庇身絕中援甘靜  
忘外擾麗景變重陰洞山空水表靈潮若有信寄謝西飛鳥  
朝與佳人期碧樹生紅萼暮與佳人期飛雨灑青閣佳人宿  
何許中夜心寂寞始憶花正開復驚葉初落行騎飛泉鹿臥  
聽雙海鶴嘉願有所從安得處其薄又詠崦裏桃花詩崦裏  
桃花逢女冠林間杏葉落仙壇老人方授上清籙夜聽步虛  
山月寒

皮日休桃花崦詩黃綠度南嶺盡日穿林樾窮深到茲山逸  
境轉超忽崦名雖然在不見桃花發恐是武陵溪自閉仙日  
月倚峯小精舍當嶺殘耕垡將洞任迴環把雲恣披拂閒禽

句容縣志

卷四

古蹟志

名勝

十二

啼窈窕險狖眠硯硯微風吹重嵐碧埃輕勃勃清陰滅鶴睡  
秀色治人渴敲竹鬪錚攢弄泉爭咽嗚空齋蒸柏葉野飯調  
石髮空羨崦中人終身無履襪

陵龜蒙桃花崦詩行行問絕境貴與名相親空經桃花崦不  
見秦時人願此爲東風吹起枝上春願此作流水潛浮蘂中  
塵願此爲好鳥得棲花際鄰願此作幽蝶得隨花下賓朝爲  
照花日暮作涵花津試爲探花士作此偷桃臣桃源不我棄  
庶可全天眞

金星峴在壘玉峰金沙布地故名

陽谷汧源出中茅峯後數水相注合爲一汧

柳谷汧昔有田叔居之取水得道

唐權德輿柳谷汧故居詩下馬荒郊日欲曛潺潺石溜靜中



聞鳥啼花落無人處寂寞山窗掩白雲

桐華源在茅山鶴臺澗前

趙孟頫詩華林清散景丹水碧凝脂落葉秋無數宜都懶寄  
詩

張嗣真詩伊誰植斯桐淒淒滿幽谷鳴鳳久不聞何當一來  
宿

丹砂泓在茅山燕口洞上

霞架海在桐華源上

趙孟頫詩眾水會一壑天近發霞光晨興新沐竟晞髮向朝  
陽

張嗣真詩日芒界金色虹梁飲鳳阿直把天孫袂烏鵲豈填  
河

句容縣志

卷四

古蹟志

名勝

十三

明月灣在縣西南三里許福祚鄉有謝安釣臺

陸龜蒙明月灣詩昔聞明月觀祇傷荒野基今逢明月灣不  
值三五時擇此二明月洞庭看最奇連山忽中斷遠樹分毫  
釐周迴二十里一片澄風漪見說秋半夜淨無雲物欺兼之  
星斗藏獨有神仙期初聞鏘鏘銚積漸調參差空中卓羽衛  
波上停龍螭縱舞玉煙節高歌碧霜詞清光悄不動萬象寒  
咿咿此會非俗致無由得旁窺但當乘扁舟酒甕仍相隨或  
徹三弄笛或成數聯詩自然瑩心骨何用神仙爲

皮日休明月灣詩曉景澹無際孤舟恣迴環試問最幽處號  
爲明月灣半巖翡翠巢望見不可攀柳弱下絲網藤深垂花  
鬢松瘦忽似狢石文忽如鱗釣臺兩三處苔老腥煊斑沙雨  
幾處霽水禽相向閒野人波濤上白屋幽深間曉培橘栽去

暮作漁梁還清泉出石砌好樹臨柴關對此老且死不知憂  
與患好境無處住好處無境刪赧然不自適脈脈當湖山

黃葉灣在寶華山歡喜嶺下山盡林木霜後落葉悉聚澗凹一  
灣堆積燦若黃金遊賞者稱大觀

王槩黃葉灣詩葉滿坡陀霜漸輕每隨風捲逐人行掠烟慣  
作迴旋勢繞谷頓疑風雨聲林淨尚存叢菊麗天空遙見大  
江明秋蟲鼓翅來何處卻在樵僧擔上鳴

王蒼過黃葉灣詩滿山黃葉秋不管霜濯平林秃如翦斜陽  
返照不見影渡溪塞路隨風轉野鹿踏驚鴟滿林一灣葉落  
同秋深山頭不用芻筆罩巖壑層層地布金

如心墩在赤山湖畔隱士周如心築之而結屋讀書其上

分水墩在興教寺分南北二水流又名戲珠墩

句容縣志

卷四

古蹟志

名勝

十四

捫霞墩在茅山碧巖洞下徐鍇大篆石上

宋王安石詩百年風雨草苔昏尚有南唐筆法存只恐終隨  
嶧碑盡秋風吹燒滿秋原

切菜墩在華山寺西一山首平因名相傳冠達帝爲誌公飯僧  
處一名設齋墩

王臬題切菜墩詩聞道飯僧時此墩供切菜不苦事無徵口  
傳勝紀載

寶珠林在茅山宋理宗御書榜并玉氣凝潤鶴情超遼八字

吳績塘有湖水半冷半熱魚交入卽死見襍俎不知其處

石雞棲在良常洞北首冷水澗官塘之南坳中石洞內有竅深  
人昔有道者結茅屋在山修道夜聞雞聲久之詫異山中無  
人居安得有雞聲夜起聽之聲從石洞出或有人見雞出洞

外尋之不得此石雞也因名石雞棲

柏枝壘在海江山下李侍郎高校書山房皆在焉

經臺柏在茅山崇壽觀宋末有道士自咸陽老君說經臺移柏於觀中太元殿前檀欒翠碧至今猶存

張仙杖在縣治中昇仙里張姓戶庭內似樹一株並無枝葉亦不枯爛歷數百年如舊狀相傳洪武初有道人張三丰一名張顛又俗呼爲張邈邈昇仙於此擲杖而去卽所植之樹也因名今人若以穢物觸之輒有不利云

九陽松在積金峯金菌山虬枝垂地九轉凌空

臥龍松在中茅清真觀側係晉代古松根盤如龍枝覆如屋

鴛鴦樹在小茅山穀牛槽兩杪一榦渾合而無罅脈

左紐檜相傳許長史手植卽在長史宅旁

句容縣志

卷四

古蹟志

名勝

十五

宋楊傑左紐檜詩華陽山裏千株檜玉晨觀前一左紐虬枝龍幹向朝曦勢與搏桑鬪長久亳州渦水太清宮老子手植纔數九一檜正與此樹同蒂固根深應不朽信知福地有靈木栽種曾經上真手君不見龍從火裏出虎向水中生生理尙左不尙右又不見天輪左旋不休止日月五星如磨蟻左紐檜蘊至理中上士體之能不死

將軍柱在赤山湖中相傳程明道先生丞上元時開濬此湖立永定水則於石柱上故名父老云少時所見尙高一丈四五尺今爲淤泥所積已沒其頂矣



塚墓

古越王塚在句容縣王名翳周安王時薨葬大橫山下 金陵新志

按茅山志隱居日翳王是勾踐四世孫初不肯立逃入胥山穴國人壘出之後於吳徙會稽爲孫諸咎所剝似不能遠來葬此或當有神異處

魯子敬墓在縣南鄉今名魯墓村然無考

晉葛元墓在縣西南一里許墓前有葛仙菴正統九年道會朱榮先修萬曆二年令丁賓重修至天啟間重建仙翁於合肥度一庠生詩多隱語士卒不解後遇難至容泣拜祠下時萬曆己酉秋日也

護軍長史許穆墓在縣治西一里許

紀瞻墓在縣治東南二十五里

句容縣志

卷四

古蹟志

塚墓

十六

葛洪墓在縣治西一里許洪卽葛元之孫

梁陶宏景墓在雷平山

顧璘隱居墓詩薄俗無上善高賢葆清真圖牛憚爲犧古墓今猶珍松風有餘聽草露無長春徒使輕舉士依稀慕芳塵  
西城縣侯許副墓在縣北大墓前

參軍許奮墓在縣北大墓前

淮陵太守許炤墓在縣東合流村

參軍許羣墓在縣北大墓前

都鄉侯許確墓在縣北大墓前

襄陽太守許朝墓在縣北

南唐簡王績墓在縣治西北二十五里姜石山

尚書徐鉉墓在政仁鄉採山

陳周弘正墓在縣治東三十五里

唐顏尚書真卿墓在縣治東來蘇鄉後顏村

許司徒墓在縣治東白土鎮奉聖寺側

王師乾墓在縣治東三十里嘗爲盧循道三州刺史

葛府君墓在縣治西七里有碑及石門今俱廢

資政管元善墓在縣治北下蜀鎮仁信鄉之原

總管趙士吁墓在縣治南政仁鄉慈恩寺側

光祿勳許光墓在縣西城里

中書郎許尙墓在許光祿墓次

衡陽郡太守葛祚墓在縣治西北五里

王遠知墓在常窰鎮北路東有唐太平觀華表

李含光墓在縣南伏龍岡西南去雷平池二十步

句容縣志

卷四

古蹟志

塚墓

十七

常景昭墓在縣南伏龍岡李含光墓次

宏文館學士許叔牙墓在縣西十里

王軌墓在縣南陶隱居墓右

王棲霞墓在縣南雷平山

金紫光祿大夫許確墓在縣東白土鎮奉聖寺側

國子監助教胡悅墓在縣治東十里蕭亭岡俗名繆家岡

宋樞密院參知政事王剛中墓在移風鄉王庵頭

衛尉少卿劉中順墓在縣南良平山西

翰林修撰江賓王墓在縣治東光宅寺西南

承仕郎江仲文墓在縣東光宅寺傍

丞相曾開墓在縣東北六十里仁信鄉五岐山角里店茶亭

有曾公路引碑

咸和居士高志崇墓在縣東小陂塘上

大理評事戴常墓在縣南大松園

國子監祭酒戴九成墓在縣南唐陵村

御史許延年墓在縣西南福祚鄉豐塘

張孝友墓在縣北移風鄉東卯岡

洪州通判許延昌墓在縣西南福祚鄉豐塘

張安府墓在縣北仁信鄉墓前有石人石柱華表

隱士周省一墓在縣南上容鄉牛頭山

開府徐官使墓在下蜀街證聖院西山上

中散大夫上柱國徐運使墓在縣北下蜀街

丞相曾布墓在縣北角里居

德軒處士徐公墓在縣南政仁鄉前徐村

句容縣志

卷四

古蹟志

塚墓

十八

東溪朱先生墓在縣東良使干

郡馬王孝先墓在縣南福祚鄉南岡東郡馬尙福王與芮女

壽堂郡主理宗之女姪也

通議大夫兩淮經制使紀咏墓在縣東高驪山有墓祠名紀

家庵

進士胡廷桂墓在縣南門外五里岡

元贈崇明知州鄒文明墓在縣東陳巷前有石人石羊

任真州判官王德甫墓在縣北移風鄉蔡家橋

南山處士張民瞻墓在柏莊村

戴一貴暨子君實墓俱在黃林崗

贈溧陽州判官劉德甫墓在縣東劉亭崗

浙江杭州府管總孫彥卿墓在縣北移風鄉



贈溧水州判官陰元圭墓在縣南隆敬里

揚州鹽運司提舉孫善卿墓在縣北移風鄉

前補貢進士夏道山墓在胡塘之原

松巖處士鄒公墓在縣東來蘇鄉陳巷村

本縣學教諭胡體仁墓在縣南白羊門廟後地名南原蔭墳

大銀杏樹胡宅千年物

進士胡澤民墓在白羊門南原大銀杏樹之左卽胡體仁之後裔也

明義士張觀墓在縣南三里許南橋義隴兄弟同穴

山西按察司僉事高志墓在縣東移風鄉駒驪山

湖廣興國州知州樊繼墓在縣東南笄家邊

南京錦衣衛指揮僉事王裕墓在瑯琊鄉胄寨村

句容縣志

卷四

古蹟志

塚墓

十九

南京刑部員外郎張銘墓在縣東南崇德鄉懷道村

封溧陽伯紀廣墓在縣東句容鄉紀家邊

贈南京吏部尚書曹均昂墓在縣南承仙鄉箭塘山

刑部郎中謝璘墓在鳳壇鄉麓山

廣東廣州府同知陳遜墓在縣東北三里許上羊村

封監察御史張逸墓在縣之南橋義壟

南京太僕寺丞潘延墓在縣之陳巷村

封監察御史曹琛墓在縣南承仙鄉箭塘山

南京欽天監監正高冕墓在縣西北瑯琊胄寨村

江西建昌府同知周禮墓在縣南五渚村牛頭山

大名府南樂縣學教諭曹暹墓在縣北移風鄉

南京吏部尚書曹義墓在縣南承仙鄉箭塘山

廣東道御史湯鼐墓在小南門外殷家邊

陝西澄城縣教諭胡漢墓在縣五里許斜橋高隴

湖廣荊門州知州朱珉墓在縣北瑯琊鄉七星山

隱士居處端處謚墓在移風鄉小干橋題曰難兄難弟之墓

北京太僕寺卿張諫墓在縣之南橋義壟

青州府通判居輔墓在縣東北移風鄉小干橋

浙江台州府通判孔彥綸墓在縣南福祚鄉許巷村

山西道御史戴仁墓在縣南臨泉鄉

封監察御史張以寬墓在縣南崇德鄉

浙江象山縣知縣凌傅墓在縣南崇德鄉

四川溫江縣知縣高諤墓在縣東北移風鄉駒驪山

竹溪清隱王處士墓在縣北移風鄉蔡家橋

句容縣志

卷四

古蹟志

塚墓

二十

江西饒州府同知包文學墓在縣北鳳壇鄉五里牌

四川安岳縣知縣蘇潤墓在縣北瑯琊鄉龍潭青山

保定府經歷王永寧墓在縣南崇德鄉

浙江桐鄉縣教諭王紱墓在縣北鳳壇鄉

河南汝陽縣教諭李質墓在縣東來蘇鄉

本縣訓導雲南崔雲鵬墓在縣治西關內諸生感其德教買

地葬之時有義僕晝夜繞墓不食而死又有義犬亦依墓

而死俱埋墓右山下繼訓導鄭三杰亦附葬焉厥後崔孫

來容謁墓捐銀祭掃其銀半入儒學公用半人猪行公用

爰定爲例每逢丁祀儒學給胙九觔獵行供費銀叁錢諸

生拜掃行之不墜  
贈太師大學士李秀墓在縣南臨泉鄉赤山東麓

封柱國太師李鏜墓在縣北瑯琊鄉龍潭西新街口  
贈都御史王海沙暨子贈都御史王德純墓在南門外福祚  
鄉大同菴信里樊家凹有墓碑

戶部尚書王暉墓在西門外通德鄉西廟右首鳴鶴山有碑  
戶部郎中陳臻墓在縣北移風鄉楊塘岡

山東鹽運使司運使李茂德墓在小南門外二十里許淤鄉  
福建興化府知府李茂功墓在縣通德鄉大墅下

禮部尚書李思誠墓在縣南十里許張王廟東  
處州府知府李思敬墓在縣東三十里許倪塘

汀州府知府笄繼良墓在縣東二十里許水南村

封吏部左侍郎王嘉士墓在縣南二十里許崇德鄉旗竿村  
贈浙江糧儲副使道張一鵬暨子中憲大夫太僕寺少卿張

句容縣志

卷四

古蹟志

塚墓

二十一

明熙墓在小南門外東南三里許賈匠山

廣西參政曹可明墓在承仙鄉丫髻山今遷金斗山

雲南臨安府推官許堯咨墓在縣五里許鈴塘西北

湖廣沔陽州卸州曹存墓南京都察院經歷曹孝述墓俱在

小南門外五里許柿樹下村

四川按察使楊沔暨真陽知縣楊森墓在西門外石芽嘴

湖廣均州知州張錦墓在縣西六里許石芽嘴

湖廣羅田縣知縣徐言墓在縣東五里許急流村

吏科給事中楊瓊芳墓在縣西上元縣淳化鎮青龍山

國朝封臨江府知府胡振域墓在縣治東南四十里良常山潘  
莊

江西巡按監察御史笄重光墓在縣治北仁信鄉亭山



雲南布政使胡允墓在縣治東南十五里百梅山淤鄉

湖廣提學僉事王自新墓在大南門外里許兆文山

贈大竹縣知縣張士駒墓在縣南福祚鄉許巷村西

贈贈行人司行人朱家儁墓在縣北孝義鄉石頭犁耳山

贈行人原任射洪知縣解元朱獻醕墓在縣西油榨村西南

隅大佳山

中憲大夫高州知府沈弼墓在縣北移風鄉楊塘岡

贈光祿寺署正沈卓人暨子戶部員外沈文崧孫例贈文林

郎沈之藩深州直隸州州判沈之芳墓在縣東五十里高

驪山

贈贈奉政大夫刑部郎中王輅墓在東門外石坑村

贈奉直大夫駱維持墓在北門外梁莊安山

句容縣志

卷四

古蹟志

塚墓

二十二

封懷遠縣知縣張檉暨孫軍功議敘即用通判張德培墓在

縣北移風鄉楊塘岡側磨盤橋

贈贈徵仕郎候選行人司司副駱如驥墓在北門外包家窰

村後

贈徵仕郎候選行人司司副駱友麟墓在北門外聚賢菴右

贈贈承德郎水利營田主事駱圖呈墓在縣北螺螄巖後山

承德郎候選鹽運司運判王康勣同弟永州府通判王康劼

墓俱在大南門外趙墅岡

贈奉直大夫鄉飲大賓駱豹文墓在縣北新莊

義塚附

宋崇寧三年詔天下府州縣立漏澤園以濟死無葬所者今之義塚其遺意也成化十八年聽選官朱珽陳言設立知縣李澄乃於邑之四郭勸捨置買山地各豎牌坊寫圖書契立爲義塚界限秩然

東郭義塚在邑厲壇東地名鬼子巷靠南朱泰張敏學共捨民田三畝爲之

西郭義塚在邑治西門外大路南地名觀山青元觀道會經永常捨民山三畝爲之

南郭義塚在縣治南橋東福祚鄉地名樊山民魯瑤捨民山四畝爲之

北郭義塚在縣治北門外馬廠路東地名尖山官用價銀叁兩

句容縣志

卷四

古蹟志

義塚

二十三

買錢貴山二畝五分爲之

萬曆四年知縣丁賓新置義塚東在東門外王婆店計二十五畝西在西門外計五畝南在山川壇東計二畝北在演武場東計十畝

以上義塚俱有石碑爲界

祠廟

宣聖祠有三處一在福祚鄉許巷紹興間裔孫孔端隱任江甯推察因家句容清城堡立祠奉祭永樂十八年裔孫孔禧移於今處孔希潮紀其事正統八年巡按御史徐郁奏准蠲免差役萬曆間裔孫孔聞敕重修吳文梓爲記一在縣東南隅裔孫孔端佐扈從宋高宗南渡因家句容至裔孫孔逢吉充集慶路句容縣儒學主奉祠祀御史徐郁同時奏請蠲免差徭裔孫肩祖重修一在承仙鄉百社村至今子孫蕃衍顏魯公祠在縣東三十里顏家邊王遂有記見藝文戴尙書祠在縣南六十里政仁鄉祀後周禮部尙書戴宏迄今子姓烝嘗不廢

四賢祠在縣治大街三思橋前明邑侯丁公賓生祠舊址也康

句容縣志

卷四

古蹟志

祠廟

二十四

熙年間令方矩奉憲飭立義學規度祠基適當邑之中遂匾祠門爲華陽義學來學者少日久廢弛乾隆六年西關陳侯于王生祠坍毀令宋楚望移陳像與丁合龕并爲修葺簷宇易額爲二惠祠因將丁陳二公祀田清釐坵畝佃租立案存禮房以爲歲修祭祀之費八年城東前明督學過公庭訓生祠折毀神像無棲庠士不忍褻置亦移在祠內之東偏其時學博沈虹徐堂偶與庠中一二知名士過祠瞻拜愀焉傷位置之失宜遽欲升之中座似覺喧客奪主且與二惠祠名義不稱正費躊躇適有西郊之三台閣係前明督學金公蘭捐俸鼎建後人感其德卽祀其像于閣下近復坍毀僅將金像移置青元觀中甚非得所因相與通庠之老成知名士少爲捐貲將丁陳龕座爲之恢擴請過金兩公並升中座蓋綠丁



陳仕進雖由邑令而丁歷官大司空陳官西蜀大方伯金過雖前任提學而丁陳科名卻在其先並爲兩浙名儒同沛三茅德澤一尊父母也一親師教也兩父兩師同安一座妥協允當存歿歡心因牒縣將二惠改爲四賢又將通庠之士公昨一項助于丁陳祀田之下使各享其祀不致先賢有奪食之嫌科其盈餘卽爲每年修葺祠宇之用至今春秋並享士民稱爲盛典云 又有丁徐兩公遺愛祠在茅山徐思公諱九

姜公祠在縣治大街西察院左前楹祀姜張兩中尊像有碑記其德政後堂祀本邑縣丞耿公起鳳像耿係旗人有德于民感澤者眾故肖像祀之今稱差房卽此

李文定公祠有二一在崇明寺大殿右一在茅山上宮右

馬祖廟在縣治北馬廠東景泰間管馬主簿楊立建嘉靖十六

句容縣志

卷四

古蹟志

祠廟

二十五

年邑令周仕重建今廢移置在縣治東偏土地廟右雍正四年令施廷瓚以寅賓館改建

按寅賓館於順治十六年令王玉汝重修改以敬作所舊額爲示我周行其庭聯曰徐榻日頻下澹臺風自高二語極爲蘊藉今館雖廢錄此以待文學之吏復爲興起云

季子廟在縣東四十五里地屬延陵孔子題其墓曰嗚呼有吳延陵季子之墓又異苑云句容延陵季子廟前有井嘗沸

按此碑在丹陽道中引至此恐誤

劉猛將軍廟在縣治西門外坐北朝南正房三間祀宋劉侯祈禳蝗蝻甚靈神之威赫實鎮一方雍正四年令施廷瓚建

張王廟在縣南十里福祚鄉南鈐塘俗稱爲祠山大帝帝佐禹

治水有功葬句邑廟北卽張墓數百畝紹興經界時蠲賦禁民佃東有石柱前有陂池相傳王飲馬於此舊額忠祐靈濟廟今額正順忠祐靈濟昭烈廟每逢三時有雨墓上必起雲至今不爽廟後卽係帝之子孫至今繁衍併俗言帝管句容稼穡水利村墟俱有廟以祀之不一處也

廣濟廟在茅山大茅峰廟前有龍池昔陶隱居遷雷平池小龍豢養於此歲旱禱雨府縣官迎請輒應紹興間賜額淳熙紹熙淳祐三敕封神龍爲敷澤廣應利濟侯明定制每歲驚蟄命有司致祭今因之又有龍穴祠在絳巖山池內有三寸黑龍旱時迎置於盤禱雨輒應

文孝廟在縣東門內梁昭明太子嘗從陶隱居學有宅在于茅山故邑人祀之景泰三年重修

句容縣志

卷四

古蹟志

祠廟

二十六

武烈廟在縣東門南塘陳杲仁以陰兵助柴克宏取捷奏封武烈帝

劉明府君廟在縣東鹽巷晉劉超爲邑宰有德政于民立廟祀之

沈使君廟在縣北六十里仁信鄉下蜀街西北又有沈公橋卽謂宋沈慶之也淳熙間張巖爲文祭之

達奚將軍廟在縣東南隅白洋門內事見仁威壘至元庚辰重建

眞武廟在縣東南隅崇明寺街宋景定間建造坊民累代修理廟堂殿宇至今完固

李衛國公廟在縣治東南隅唐武德四年輔公柝據丹陽反時公檢校桂州總管高祖召公副趙郡王孝恭討之公將輕騎

直抵城下公柘敗走擒其未降者戮之

西祠山廟在縣郭之西宋開寶間建造正統成化間重建

三聖廟在縣治東南隅晝錦坊宋元間建造天順五年尙書曹義重修

盧大王廟在縣治西北六十里瑯琊鄉東陽鎮南唐書云盧絳任江南昭武節度使城圍日頻立戰功及金陵陷募兵入閩以圖興復不果而敗邦人立廟祀之舊以爲盧綰者誤

射烏廟在縣治西北六十里瑯琊鄉射烏山

龍王廟有三一在縣治東三十里來蘇鄉虎耳山龍鳳九年令陳俊德禱雨有應新其殿宇一在縣東門內萬曆二十四年

邑令嘉善陳侯禱雨有應重修一在縣北七十里瑯琊鄉

張果老廟在縣治東望仙鄉張果老洞前

句容縣志

卷四

古蹟志

祠廟

二十七

曹王廟在縣治南福祚鄉王謚武惠宋初統兵平南不殺一人邦人感之立祠祀焉

三茅眞君廟漢詔敕郡縣修守丹陽句曲眞人廟以茅君分理赤城每年十二月二日駕白鶴會於廟中舊名白鶴廟又有

吳墟廟述墟廟俱祀三茅君二墟村名

護聖廟在茅山元符宮祀句曲山神歲五月五日有司親祭

夏禹王廟一在秋千村一在赤山湖

茅司徒廟在姜巴路昔人有痼疾臥道邊夜半有導從乘馬者至呵問之其人告以疾作乘馬者與之丸藥且曰我茅司徒也旦而疾愈因立廟其地

秘書郎廟在縣治東門外里許秦清巫伋江賓王嘗過廟前有異報後三人皆登第任顯官人愈崇信奉祀不衰



駒驪山人廟在縣東北移風鄉駒驪山下

三義廟在西門外關聖廟後

都城隍廟在縣治南臨泉鄉卽漢將紀信居民遇旱潦虔禱于神聆響如應萬厯年間傾圮鄉人捐資重修

文昌閣在崇明寺東南學院衙署傍向爲鎮壓文明之地乾隆年間紳士駱廷瑛捐資重葺一在縣南政仁鄉東岡村

關帝廟有四所一在東門外一在西門外一在城東南隅三聖廟前一在大南門內乾隆九年邑紳士重建

邑檢討王康佐記云山西夫子正氣塞天地廟宇遍華夏厯代哲王順時禋祀下逮婦孺咸知欽奉蓋忠義之在人心不言而同然至此我朝崇奉尤重封追三代甚盛典也句城立廟凡四在城南者最古一椽湫隘漸卽頽圮春秋展謁大

句容絲志

卷四

古蹟志

祠廟

二十八

禮難施邑令當陽宋公嘗議恢拓旋以調任去未果甲子夏襄平趙公以賢能任茲土凡所以惠我鄉邦者莫不肯爲百廢具舉慨然有志於是學博沈徐兩先生以告鄉之賢士大夫咸相踴躍以勦盛舉先是王子知遠捐百金以爲倡樂義者相繼輸助由是度地鳩工量才庀木遴邑中孝廉方正朱君垣肩任其事廟仍故址從古也隸南城謂能厭火也廟後有址係闕氏之產代贖其宅以易其地基得充擴朱君乃與太學黃君普晨昏構度門有廡殿有楹視牲有所再拂三公殿而整之刻桷雕甍丹漆璀璨鐘奠豆籩莫不咸具乃布奠成禮落成之日金碧堂皇觀者如堵遂爲一時之盛事云

城隍廟在縣治東南隅學宮相並威靈顯赫分理陰教祈報稱盛朔望有司官屬拈香雍正十一年邑令魯設平耀廠于廟

句容縣志

卷四

古蹟志

句容縣志

卷四

古蹟志



尊神降書字畫端楷莊重嘉靖丙子殿厄於火斗書佛經散逸無存今邑中猶有家藏者順治乙未僧隆慧仍舊基構立殿宇五楹以奉先朝陳太后所賜佛藏

文殊院 大聖院 千佛院 藥師院 天竺院 妙雲院

四聖院 瑞應院 彌陀院 羅漢院 瑞像院 天王院

南觀音院 北釋迦院 北觀音院 南釋迦院 中釋迦

院 以上統在寺中前後左右

興教寺在縣治東北起於晉咸寧閒寺前有大樹

圓教寺在縣治南三十五里臨泉鄉

延福寺在縣治東南四十里茅山鄉

隆昌寺在縣北五十里寶華山梁寶誌公棲跡於此結茅成舍

至明萬曆閒敕建賜額爲護國聖化隆昌寺遂成古刹至見

句容縣志 卷四 古蹟志 寺觀 三十一

月和尙恢廓舊制建立戒壇持律精嚴四方衲子由斯雲集

國朝康熙四十二年

聖祖仁皇帝巡幸

御書慧居寺額改今名內有藏經樓供奉

敕賜藏經並

御書墨寶

明進士禮部郎中黃汝亨撰碑金陵卽支那之王舍城南朝受歷之主莫不崇宣梵教式建伽藍以鎮皇服寺宇綦盛高皇帝開闢大業君臨萬宇一洗南朝之陋金陵其豐鎬之地所在建刹助流教化壯鉅麗之觀最著者如靈谷之松麓弘濟之江峯棲霞之巖壁天界之林阜而華山由棲霞上去金陵城七十里隸句曲爲梁神僧寶誌公道場於中誅茅結庵

無算卽無林木蒼鬱蔽虧點綴之趣然山峻路窄白石磊塊  
星隕棊置厯奧而衍浮埃斷滅巒嶂爲城羣峭摩天夔絕人  
封斯亦淨名勝境不讓諸刹而岸谷歲磨菴廢僧彫樵牧雜  
處寶公之業幾湮嘉靖間有僧普照做跡尋址構廬而居纂  
修其緒萬厯初其徒明律稍張拓之歲在乙巳厥運斯新乃  
有妙峯登師液銅爲殿駐錫金陵師爲峩峩清涼補陀三山  
發願造三銅殿以往有士大夫謂補陀薄南海出沒島夷侈  
名啟寇不可于是留其一金陵諸大刹皆願選地以奉師總  
其地而卜之曰歸華山三卜三吉于是普照徒子明慧率諸  
眷屬以菴基山場約百餘畝獻請師置殿聿建梵刹供眾叢  
林南內諸監同爲明證於佛誕日安置茲殿是夜遠近居民  
皆見此山放大光明炬如蓮珠若華嚴之帝網先是山鳴若

句容縣志

卷四

古蹟志

寺觀

三十二

獅子吼者屢月至是而止諸種種徵祥殊異之瑞不可勝紀  
師念建刹功德匪渺思得精進幢弼諧勝業乃自峨嵋白水  
寺請南宗深公來深公許諾俱詣京師奏請上制曰可施造  
寺金一千賚經一藏滲金毘盧佛一尊幢幡二首賜額曰護  
國聖化隆昌寺遣御馬監太監張然來慈聖皇太后施金二  
千賚經一藏及幢幡滲金寶塔觀音大士像遣奉御太監閻  
鸞來二師皆蒙賜紫復請慈壽寺天空祿公爲隆昌總持當  
十方雲水緇素之歸亦蒙慈聖賜紫臣僚嬪妃檀施有差敕  
南內守備劉公朝用董其事遂有布金長者獻蓋童子諸檀  
輻輳深公綜理營造歲星十周而佛殿告成大雄紺殿鉅麗  
弘敞巍巍端臨左右起閣五十三楹準五十三參圓應深廣  
幾二百尺其它若天王無梁水陵鐘鼓毘盧爲樓爲閣爲室

爲堂爲方丈爲養老爲檢藏庖湑茶寮廊廡廚廐之屬凡所  
宜有靡不備具數百武而上則銅殿在焉精光煜爚並映霞  
日翼以石臺左文殊而右普賢礧磚琢石矩駢繩界淨不容  
唾煌乎備哉於以上祝至尊萬億斯年聖母天禧饗保無斃  
皇儲前星睿業光曜海宇熙皞滋濡萬類高皇帝豐鎬之地  
若增而盛焉以方靈谷弘濟天界棲霞俱足恢廓淨名鼎峙  
江山寶公之業千載彌振然則妙峰之弘肇南宗之匡弼天  
空之軌持皆寶華之宗臣法輪之佐運先後樹功與山不朽  
者也然道存形幻妙峰南宗相次順世天空零落無常名跡  
易墜乃以山莊若干請李太史碑銅殿請焦太史碑而以隆  
昌因緣請予乞文以示能嗣三師法者紹明來葉予故不敢  
以鄙儒名教之縛軫域神理掩遏聖化而湮大乘名勝之蹟

句容縣志

卷四

古蹟志

寺觀

三十三

紀述如左而系之銘銘曰金陵之山曰帝鎬京名刹淨業翼  
化以行乃有寶華聖僧所營眾山環合衛基如城高岸荒塗  
幾爲榛荆中興千載道以人弘範金西來紺殿維新疑地湧  
出似佛化成作獅子吼放大光明帝實檀越僧恢法紘祐靈  
景祚滋膏含生千巖雲氣萬壑鐘聲式隆且昌懋實鴻名  
明慶寺在縣治東北四十五里望仙鄉

般若寺在縣治東北二十里移風鄉

華藏寺在縣治北七十里鳳壇鄉

前光寺在縣治南十里福祚鄉

天王寺在縣治南五十里承仙鄉

胡炳文記畧天王寺額自唐中和始初名豐樂在茅山之陽  
後遷浮山伽藍神顯大神通環金陵百里禱水旱疾冷如響



應聲靈聞于朝咸以伽藍神卽毘沙門天王乃賜今額天祐二年詔天下無額寺皆毀惟此寺因額存宋至道二年詔如天祐寺存如初元符閒寺敝僧法超苦行募緣始得重新宋南渡金兵沿江縱火將及寺殿中忽湧水如注泥像觀世音兩眼如泣金人駭懼火隨止建炎後僧守一葺之未幾又壤元大德丁酉僧行超慨然傾已囊創大殿越三年佛像供設皆備又數年復創僧堂廚舍堂後浚大井復得眾耆舊及富豪助之成寶藏經閣鍾樓兩廊三門棟宇宏麗金碧焜煌行超又買田千畝歲入米八百石鐘魚之響不絕包笠之至如歸自建寺以來惟斯爲盛云

寶山寺在縣治北四十里鳳壇鄉

光宅寺在縣治東十里移風鄉

句容縣志

卷四

古蹟志

寺觀

三十四

圓寂寺在縣治西南三十五里臨泉鄉赤山側

胡炳文記略句容縣之西南三十五里有赤山曩時邑民避亂嘗棲其地得保無患咸謂山神有靈之故願致力以供奉會比邱景倫自溧陽來上元縣之香林院素聞其名相與出錢買地留之知縣鄒惟敘代爲之請且言於府乞以故圓寂寺之額移置于此知府葉夢得許之景倫芟夷蓬藿規度庭宇功未及成而卒其徒弟道愿踵主寺事而同門道忠實資助之銖積寸累積三十年而始成有殿有室有堂有寢廬有齋廚各安其置以成其師之未逮與邑中耆舊之願云爾圓寂本梁同泰寺治平閒始賜今額

慈恩寺在縣治南七十里政仁鄉

慶和寺在縣治南三十五里上容鄉

昭聖寺在縣東四十五里望仙鄉龍游山

王韶昭聖寺碑記粵自大雄之教所以化民爲善而人心翕然樂從果何謂歟蓋好善之心人之所同由乎主教者能闡揚以感發之耳苟非得人以闡揚則教不彰顯人不崇信而欲成立大功流傳永世也幾希此予于昭聖古刹所以興廢者見之矣句容縣治四十五里望仙鄉龍游山舊有昭聖古刹宋進士厯官樞密進階銀青光祿大夫端明殿大學士巫公伋捐俸蓋造用資冥福請賜今額紹興閒福順禪師經始于先維新鼎建乾道閒大辨才公開拓于後制度益隆傳至院主和通普祥普祐累代相承修理不墜是皆得人闡揚其教者也奈何有元革命寺厄兵燹所存惟土田僧舍而已殿堂廊廡皆爲荆榛瓦礫之場過者徒增慨歎久未得人闡揚

句容縣志

卷四

古蹟志

寺觀

三十五

其教者也天運循環無往不復聖朝統御以來化行天下也久民知向善也眾景泰閒大檀陳景宏氏好義樂善憫其久廢率眾詣縣請戒行端嚴之僧人住持是寺以圖興復邑宰諸城劉侯省令僧司慎加遴選僧會心豫遂于緇流之中獨舉其徒孫圓澍往任焚修之責心豫雖違眾舉親圓澍亦不負所舉數載間堅心苦行夙夜匪懈故檀信歸依喜施樂捨日積月累以次修舉外建山門爲間者三後建法堂爲間者七中殿翼然高峙內塑四天王大殿屹然獨尊內塑三世佛對建廊廡四十楹列塑羅漢五百眾丹堊整飭金碧輝煌以至僧房廚囹之屬亦類廊廡之數皆極完美煥然一新要其成功以年論度其費財以萬計顧此功業之大財用之繁厥惟艱哉自非大雄之教得人闡揚曷能然乎圓澍猶以爲勗

業固難守成亦不易也不託文以紀金石何以示我後人於是命徒方珍方恂持狀拜請予衰朽懶於文念彼厥祖象九豫公厥師大猷隆公與予有方外之舊且重圓澍爲人有才能戒行故不辭而樂敘其事而復系之以銘俾繼起者咸知成立之難相與維持於永久銘曰容城之東望仙之鎮山曰龍游寺曰昭聖始於順師成於才公紹興鼎建乾道益隆和通祥祐以嗣以績災燬有元寥寥誰復適我圓澍往濟其顛恢弘傑構衍後光先茂德豐功宜銘金石勗彼來裔是守是式爲民爲國祈禱祝延晨鐘暮鼓香火萬年

均慶寺在縣治東北四十里望仙鄉

奉聖寺在縣東四十里望仙鄉

東霞寺在縣治東三十里句容鄉

句容縣志

卷四

古蹟志

寺觀

三十六

邑人高世傑募化重建東霞寺序三教皆聖人也其道皆本主於心性故其教皆足以傳後世而其徒悉以滿天下儒之徒修明五倫以治世者也釋道之徒疑於逃世宋儒謂其背君父率民而出於無用此其說近於執而不知其無用者之未嘗不有用也我夫子孟氏之言曰逃墨必歸於楊逃楊必歸於儒所謂楊墨非卽謂釋道二氏而大約彷彿近之夫極天下後世之生人其清濁不一好尚不齊勢不能一軌於二帝三王之道賴有二氏者起而收之使無撓於帝王之法而亦不至於爲非其上乘者修明心性釋言定生靜靜生慧應無所住而生其心與吾儒定靜安慮得之理無異旨也道言有名天地之始無名萬物之母與吾儒無極太極之理無異旨也所謂皆聖人之事也其次謹嚴戒律動輒有規苟不背



乎二氏之束縛亦庶乎治世之良民焉至其下者假懺悔之說爲改惡之門設因果之條廣遷善之路人有作奸犯科不容於王章者或則孤苦顛連窮無所告者悉藉是以歸宿以免其死而全其生陣繼儒所謂朝廷之一大養濟院者有見乎此此其徒之所以滿天下也顧各師其道者卽無不各尊其師各尊其師者卽無不樂莊嚴其法相巍煥其院宇以庶幾肅人之瞻禮而廣皈依焉此二氏募建之所由來而亦不可盡斥也吾儒之尊崇聖人無所需此而彼爲頑鈍說法歆動不得不然以故吾儒任治世之責者卽不必附和其說謂今世宰官悉由佛法因果而但云各行其事亦云有補樂其成而閒一假手焉未嘗非大見解人作大因緣事也句邑東南有東霞寺蓋奉釋典者創造於唐歷五代宋元千餘年丕廢重修於明嘉靖乙酉歲迄今百餘年大殿圯矣寺僧理明暨眾善信等懼千年創修之業於茲墜也法相之莊嚴於茲剝落而風雨所飄颻也且非爲其徒者之所以尊奉其師與平昔所謂皈依三寶之意也因欲謀爲庀材鳩工之舉而乞言於予予儒之徒也非有慳囊可破者亦非爲緇流說法者但其教有足以傳其爲事亦並行而不悖當路者若力能設施多方作成以復其舊以謀其新誠盛舉也乃小民發心悉成善信一椽一瓦皆爲布施福田良緣布金善果種瓜種豆之說寺僧自能言之亶亶無俟余之贅辭也是爲序

龍華寺在縣治西南三十五里臨泉鄉

正覺寺在縣治西北六十里瑯琊鄉

寶林寺在縣治西北七十里瑯琊鄉

句容縣志

卷四

古蹟志

寺觀

三十七

宋熙寺在縣治西北六十里瑯琊鄉

玉泉寺在縣治北五十五里鳳壇鄉

明丁寶玉泉寺記句曲之山有銅峰焉東連鐵瓮西接金陵居萬山之中橫大江之上巍然而高鬱然而秀嵐光翠色秀出天表龍蟠虎踞若地湧而天成誠江南之福地祇園之真境也舊有梵宇名玉泉菴有泉自西北飛練而下經殿北流自東南而泄若玉虹之領長川故名元季殿宇圯毀久未能復洪武丙寅姑蘇慧巖禪師飛錫至山覩茲之勝編竹爲籬誅茅爲舍誓願恢復慧巖清修苦行智慧足重於是達官長者莫不仰慕高風喜施樂捨積有歲月遂營大殿人天瞻仰善信皈依惜乎功業未就而隻履西歸至宣德己酉弘慈普應高弟百川上人至山仰法像之尊嚴覩山門之壯麗喟然

句容縣志

卷四

古蹟志

寺觀

三十八

歎曰方今聖人在上天地其仁堯舜其德凡有生之類皆囿於春風和氣之中其於吾大雄之教尤嘉維新之典得不恢弘祖道修整禪林以闡揚宗教乎是用廣大規模開拓廊廡饌堂在東庫院附焉禪堂在西方丈近焉慧菴之塔則建山居以安妥焉新建天王大殿金碧光輝昭蔭法界較之往昔煥然一新遂以額請敕賜玉泉禪寺金書額匾天人交慶誠千載之一遇也自是佛日增輝宗門生氣正統庚申百川上人率領僧眾給授度牒還山其榮幸爲何如哉徵文刻石以永其傳蓋銅峰吾家世產先人所捨以衍福慶蓋佛氏之教深慈弘願上以陰翊皇度參贊化機下以攝授羣迷悉歸正覺其功非淺淺也因以感先人之德而重上人之請既撰以文復系以詩大江之南有山翼然中建梵宇名曰玉泉鍾山

右距華峰左旋千年寶地三世正傳天雨瑤花地湧金蓮祇園真境靈山勝緣開拓惟誰慧巖實先住持伊何道穎猶賢際遇全盛皇仁如天嘉會宗教福利無邊大明一統億萬斯年

東大泉寺在縣治東北五十五里望仙鄉

西大泉寺在縣治東北五十里移風鄉

小金山寺在縣治西南四十里上容鄉

南海牙記略金陵地吞江淮爲天下東南形勝之最去都九十餘里罔覓之埜有山隆焉而起中廓一區鬱爲僧棲者昔之漏澤今之小金山寺也東睇茅山北控句容左屹仇阜右帶赤湖本郡之支輔也句容境界若黃帝之息壤焉其小金山寺建於宋朝大觀之時在郡之西南隅草場街千楹百礎

句容縣志

卷四

古蹟志

寺觀

三十九

霧絡星聯飛薨傑棟絢爛金碧鐵鳳翱翔鐘魚鏗鐃將謂可以垂休光於千萬禩而莫與京也天運構奇不百年卒罹兵燹煙慘瓦礫雨寒蓁莽頽頽子落落如晨星厥寺雖廢額名尙存主庵僧如恭耳濡目染盡然傷心倏經有司揭是額削菴名彰是寺也又數年僧如璧乃率其徒德行應順與歆盟興復家掎戶化銖累星積共償志願厭其湫隘圖更爽塏殿棟廊廡山門庖溷連薨竦翼獨道林頽焉因遇茂周德嗜善好施同心贊襄乃自募緣殫財營構始工於至正八年十月望日越明年而訖事一忱始終聿新舊觀視前者加晨鐘暮鼓供佛飯僧綽有餘地吁亦艱哉夫寺之廢興數也教之流通法也數本乎法法寓乎數僧念用堅人感隨應霜降鐘鳴機動籟息千人一心萬古一理由是祝皇圖之鞏固演妙乘



之悠長殆與此山相爲不朽矣余因僧之勤樂爲之記銘曰  
小金山高巉巖僧加禿蔚精籃天雨花優鉢曇活潑潑契三  
三金玉字秘琅雨攝玄妙破幽潛日月厯天地參

禪心寺在縣治東三十里來蘇鄉

聶行寺在縣治西五里通得鄉聶行山今廢

金華寺在縣治西南隅晉咸康三年尙書令李邈捨宅造靈曜  
寺宋改今額 金華寺舊在城內嗣改建東門外近復移建  
東門內九曲溝北首易寺爲菴女僧心悟有道行同其師建  
也

成山尼寺乾道志在縣治北六十里仁信鄉

瓦屋山寺在句容南瓦屋山望之綿亙如平屋康熙間有雲存  
和尚湖廣人憩息於此築道場開山虎皆馴伏年六十九將

句容縣志

卷四

古蹟志

寺觀

四十

辭世謂其徒曰三年後開龕我肉身不爛當有人裝金後開  
視果顏色如生居人爭相裝塑至今香火不絕

青元觀在縣治西南隅原係葛仙翁故宅丹井猶存正統十二  
年敕賜道經一藏成化癸卯殿廊被燬僅存其敕併藏有仙  
翁遺傳內分五院紫微大清東嶽茅君真武道會司在焉

宋趙世延宿青元觀詩白雲送我出山蹊來宿葛公丹井西  
莫道歸途清興減夜來和月飲刀圭

梁陶宏景青元觀碑記道冠兩儀之先名絕萬物之始者固  
言語所不得辯稱謂所莫能筮也云何以文字述云何以金  
石傳故其遂休也則日月空照遂嘿也則生人長昏是故出  
關遵以兩卷將升擒其五文令懷靈抱識之士知杳冥之有  
精焉自時厥後奕代間出雲篆龍章之牒炳發於林岫環辭

麗氣之旨藻蔚於庭筵可以垂軌範箴謠誦者迄於茲辰昔在中葉甘左見駭於魏王象奉擅奇於吳主至於葛仙翁之才英俊豪邁蓋其尤彰彰者矣公於時雖歷游名嶽多居此嶺乃非洞府而跨踞中州東視則連峰人海南眺則重嶂切雲西臨江潯北接駒驪斯潛顯之奧區出處之關津半尋石井日汲莫測其源三足白鹿百齡不異其質精靈之所弗渝神祇之所司衛麻衣史宗之儔相繼棲托後有孫慰祖亦嗣居彌歲山陰潘洪字文潤少秉道性志力剛明前往餘姚四明陝國爲立觀直上百里榛途險絕述識有用爲物情所懷天監四年郡邑豪舊遂相率與山制不由己以此山在五縣衝要舍而留止於茲十有五載將欲移憩壇上先有一空碑久已摧倒洪意以爲蔭其樹者尙愛其枝況仙公眞聖之遺

句容縣志

卷四

古蹟志

寺觀

四十一

蹤而可遂淪乎乃復新建石碑於其所願勒名迹以永傳隱居不遠千里寓斯石而鑄之仙公姓葛諱玄字孝先丹陽句容都鄉吉陽里人也本屬瑯琊後漢驃騎童侯廬讓國於來居此土七代祖艾卽驃騎之弟襲封童侯祖矩安平太守黃門郎從祖彌豫章等五郡太守父焉字德閏儒州主簿山陰令散騎常侍大尙書代載英哲族冠吳史公幼負奇操超絕倫黨神挺標峻精輝卓逸墳典不學而知道術纔聞已了非復軌儀所範思識所該特以域之情理之外置之言象之表而已吳初左元放自洛而來授公白虎七變爐火九丹於是五通具足化遯無方孫權雖愛賞仙異而內懷猜害翻琰之徒皆被挫斥敬憚仙公動相資稟公馳涉川嶽龍虎衛從長山蓋竹尤多去來天臺蘭風是爲遊憩時還京邑視人如

戲詭譎倜儻縱倒河山雖投鳧履墜叱石羊起蔑以加矣於是有人漂海隨風眇漭無垠忽值神鳥見人授書一雨題日寄葛仙公令歸達之由是舉世翕然號爲仙公故抱朴著書亦云吾從祖仙公乃抱朴三代祖也裕中經傳所談云已被太極銓授居左仙公之位如自誥並葛氏舊譜則事未符恐教迹參差適時厯說猶如執戟侍陞豈謂三摘靈桃徒見接神役鬼安知止在散職一以權道推之無所復論其同異矣仙公赤烏七年太歲甲子八月十五日平旦昇仙長往不返恆與郭聲子等相隨久當授任玄都祇秩天爵佐命四輔理察人祇瞻望舊鄉能無纍纍之歎顧盼後學庶垂汲引之慈敢籍邦族末班仰述真仙遺則云詩曰九垓夔絕七度虛縣分空置境聚氣構天物滋數後化起像前命隨形轉神寄葉

句容縣志

卷四

古蹟志

寺觀

四十二

傳霜野於衰竹柏翠微泉墟共往鼓羨獨歸生因事攝年以學祈如金在冶如帛在機仙公珪警臨韶發穎襄童比迹碩儒聯影濯質綺闈凝心黛嶺虎變已攄龍轉遂騁謁來台霍偃蹇蘭穹碧壇自肅玉水不窮巡芳沐道懷古惻衷表茲峻碣永扇高風

乾元觀在茅山大橫山下梁天監中陶隱居荆鬱岡齋天聖間改賜今額後日就傾圮有觀妙先生碑已中斷按之遂合宛如生成萬厯閒慚加營葺閣希顏李徹度皆修煉於此明大學士王錫爵記畧自古神仙之說有耶無耶無之則鼎湖之髯關門之炁皆誕耶有之則秦漢之君旁皇海上者安在耶吾以爲仙猶聖也人皆可爲聖人皆不能爲聖也人皆可爲仙人皆不能爲仙也以幻境語仙猶之以空言語聖不



但愈求愈遠抑且愈求愈舛矣亡惑乎秦漢之君項槁蓬瀛  
餌窮圭爵畢世不遇也聖與仙皆在心不在境隨境養心非  
役心逐境故曰養心莫善於寡欲欲豈必非禮之嗜稍涉微  
求卽是欲卽非聖卽非仙矣聖也仙也其揆一也聖面不可  
知之謂神神卽仙也老子首章曰道可道非常道名可名非  
常名卽不可知之謂也不可求耶然百工居肆以成  
其事有事則有侶有侶則有相與切磋琢磨以融其渣滓而  
游於清淨杏壇洙泗非至聖之肆而仙獨無之耶仙之肆果  
在海外渺茫不可方物之境耶內經福地志曰金壇之右可  
以高棲孔子福地記亦曰岡山之間有伏龍之鄉可以避水  
辟病長生則有取爾也成周之衰有茅初成隱於華山以秦  
始皇三十年九月乘龍飛昇致有童子之謠中始皇之惑徧

求海外而不得茅氏四世而誕盈固衷三子次第仙蛻迺稱  
三茅用以名山山爲金陵地肺由大茅峯迤至玉真橋綿亙  
三十里許三峯皆銳峻無竹樹蒼鬱無岳谷迴環蓋三茅飛  
昇處而其修持服朮則在三峯之北鬱岡山石門也鬱岡之  
名自梁天監十四年陶宏景於此隱居築鬱岡齋室始唐天  
寶李玄靜居之敕建棲真觀及會真候仙道德迎恩拜表五  
亭有顏魯公碑記宋大中祥符二年朱觀妙居之築九層壇  
修道爲真宗祈嗣得仁宗天聖三年賜名集虛庵續改乾元  
觀意取易資始統天之義朱解化後五十有九年弟子石致  
柔錄其遺意乞南郭先生爲撰幽光顯揚碑文笱冲隱得其  
文欲爲立碑遽解化不果後二年政和乙未養素法師徐希  
和爲之立石蔡仍書而題於末書法絕類聖教間有南宮氣

味此乾元之名所由始其山左大橫爲李含光丹昇處大橫北姜巴路爲白門通衢秦時有巴陵侯姜叔茂種果於此故名山之西玉晨觀有展上公肉身相傳高辛時人亦無據觀之東南不里許烏柏樹下爲許長史居今久湮唯陶隱居墓碣泰定乙丑篆蹟猶在陶許世戚比居於此實茅山最先肇基所也面向三茅峯可拱揖背負良常洞秦始皇巡狩至此樂而歎曰自今以往良爲常也故名高廣幽邃洞口有梁武碑又有白鷗大蟾巨蛇道眾樵豎數有見之者觀久圯僅存遺址顯揚碑仆荆棘中矣隆慶間有舒道人者傍山結茅風雨所漂搖狐兔所嘯嗥人蹟罕有至者土人取石爲灰鎚碎朱碑將負去忽雷雨大作晦冥中若見有物湊合立之者立微敲搨之不仆罅有可容指者侵尋罅漸密字亦漸明不明

句容縣志

卷四

古蹟志

寺觀

四十四

者百之一二耳故道人異之謂此觀有復興之兆後遇閻江真人相繼至遂授之而去不知所之亦不留其名字宅里祇存其姓是開山鼻祖也閻道人曾自言於王弇洲先生吾山西人以淫病瘵幾死棄家入山者名號皆稱希言不巾櫛人呼爲閻蓬頭云興起乾元稍可濟勝者靡不至迄今念開山功莫與閣埒繼閣興者有李道人黟縣人父母皆夢一道人入門而生名夢仙後入山得修煉法更名一了時間希言在山獨識之相得甚驩朝夕修證一日李忽投清涼澗中捧腹大笑從此遂不衣嚴冬亦然故以赤肚名閻尸解後復著衣曳履混於眾衲眾衲不爲禮更號徹度遇病者不假藥餌或咒或咽或嘔無不立愈眾稍禮之詳王荆石王忠銘楊荆岳三先生傳中萬曆己亥神廟以聖母所印道藏四百八十函

賜之壬子後復賜孔雀玉皇東岳玄範諸經袞衣繡幢醮資若干緡上方之珍中貴之使踵至至則羣鶴嘯舞雲中繚繞如御烟者移晷眾睹異之復念聖恩玄經不可屑越藏之何所乃虔走南都逢侍御蜀王公藩臣倡義樂施諸中貴黨劉諸君爲之助主上又歲頒香貲有羨積累鳩工藏殿落成金碧焜煌籤軸扃鐫非齋沐稽首不敢啟眦而乾元始爲茅山冠所以起五百年之廢墟踵舒道人之故址增顯揚碑之靈光竟閩江李三師未竟之志滌羣宮羽士五內之穢招徠四方之士皆回心向道不敢卽於非不忍離於側傳餐共食朝夕虔誦者皆自如之庸也觀之徑由姜巴路口茶亭茅司徒廟屈曲盤紆夾道松柏沿澗芟荷芙蓉高下種茶平衍處以樹蔬蔬圃中雜植桃杏梅李春色爛然祀土神以護圃有蟲

句容縣志

卷四

古蹟志

寺觀

四十五

嚙蔬禱之立驅盡度候仙橋躡迎恩亭以升觀觀有敕賜金額前祀靈官中爲藏經殿殿左祀太乙右祀雷祖西有延禧之壇東有仙學之館選仙壇與棲真堂並峙以駐雲遊之瓢笠會真金華止白集虛一了靜室茅圃紛耘雜出於岳石密篠中以供有道之修持尙有欽賜斗姥銅像一尊畫像一軸欲構閣殿後以表聖恩崇道母而夙願未償也以屬其徒姑俟其成而廣志之

玉晨觀在茅山雷平山北世人稱爲第一福地金陵志曰高辛時展上公周時郭真人巴陵侯漢時杜廣平東晉楊真人許長史唐李玄靖南唐王貞素俱在此得道宋大中祥符敕改玉晨卽華陽紫陽舊址也有顏魯公手書碑

元至正間天台金鑰記金陵洞墟句曲地肺左憑柳汧右帶



陽谷世稱茅山第一福地高辛時展上公居焉至周郭真人  
秦巴陵侯漢杜廣平東晉楊許唐李玄靖南唐王貞素並得  
道於此梁貞白先生陶隱居始葺爲朱陽館唐太宗時爲華  
陽觀玄宗時爲紫陽觀祥符初改曰玉晨觀自高辛氏歷唐  
虞三代至於今日四千餘歲矣山川之勝蜿蜒磅礴視昔不  
殊是蓋振古所固有也伏龍雷平鬱岡方隅相去十里而近  
昔人脰池丹井咸在焉至正九年秋玉晨觀主玄印先生翟  
正傳以殿廡寢頽乃胼胝修建先奉三清越春殿成輪奐翬  
飛與左紐神檜相高竊記其事爰稽老氏之書印以吾儒之  
理三清生於一氣無極而太極是已不可以影響求不可以  
聲臬接維皇上帝降衷下民風雨霜露無非至教上下神祇  
昭布森列夫豈有心於其間哉若夫以形體謂之天以主宰

句容縣志

卷四

古蹟志

寺觀

四十六

謂之帝以妙用謂之神豈非三清之謂歟此玉晨三清殿所  
由建也

宋趙世延玉晨觀懷古詩豢龍人去水平池樓廢壇荒有所  
思落日正當秋寂寂摩挲晉檜讀梁碑

明王鑑之過玉晨觀詩華陽今古道相裁真侶招余曳杖來  
雲裏三駟飛白鵠岩前獨虎臥丹臺香分石腦開天竇錦擷  
仙庖薦鹿胎仰止茅君循舊跡洞門徙倚碧桃猜

李熙遊玉晨觀詩翠微遙見玉晨宮雲外籃輿有路通古殿  
香烟人似蟻斷碑書法字如蟲千年老檜枝猶勁一脈清泉  
水自東尚憶髫齡曾到此來遊重對落花紅

崇元觀在縣治東南四十五里茅山鄉

紹興末桐川石先生名元朴從楊亶甲學道結庵於此以醫

濟人日織草履一緡賺錢十文懸於戶外之樹使行者自取之寒暑弗渝也年八十八無疾而逝漫塘劉宰爲文祭之元丙子歲奉璽書爲觀

聖祐觀在茅山大峯頂宋延祐建專祀司命君萬曆二十六年道士江應宣奉敕建醮賜額爲九霄宮

明楊一清聖祐觀記茅山大峯之巔有聖祐觀焉祠東嶽上卿大元妙道沖虛聖祐真君宇也山昔名句曲因漢代茅君昆季偕乘白鵠各臨一峯乃次第其峯爲三而是名大峯其祠宇相傳創於漢明帝時而觀額則自宋淳祐所諡而名者也觀歲久湮圯弗稱歆妥山之靈官金淵湯如愚相與力新之而肇建之日彷彿有見君之昆季乘旋雲而下焉者於戲扶輿磅礴之氣鍾而爲人爲山川其初一也人之秀山川之

句容縣志

卷四

古蹟志

寺觀

四十七

奇則氣之清淑所萃聚是以隱見變化而無倪效靈齊類而獨顯憑山麗川而成體皆理之所有者三代以前全秀爲帝王爲輔相而山川之奇巡狩柴望各有依歸效靈宣力參天地贊化育鼓舞元氣多所裨益而與之相禪始終自是而降人之秀山川之奇或各私其所鍾以自顯若君之於是山是已按志是山稱金陵地肺華陽洞天奇秀自足以鍾吳越之氣而攝其生靈加以君之天明挺出孺志全存既異於凡而又密藏妙秘怡性幽深以與塵絕則山與人相鍾輻輳符合以靈爽天地間不與羣蠢眾朽同日月宜其所謂司命者與且神仙之說起於秦而未得其人君生漢景武閒壽百四十餘必有獨得其術者於時方士相踵不顯其跡至易代而始顯豈非有絕人逃世之見哉梁唐以來陶隱居之流遞代宗

祖爲道門洙泗而還丹服餌符咒之流壹是托始則其爲人心歸仰者亦久矣心而感心氣以乘氣以爲靈可謂理之所無哉自秦私天下爲郡縣吏視所治爲傳舍而略無庸心焉者比比是也如愚乃能恪敦宗風力新所居以裨後之人豈不猶賢矣乎是觀所建爲殿內外六楹山門三楹像設金碧特爲壯麗山之麓構朝山亭創始弘治癸丑訖功丁己而君之靈見則始年三月九日也以予嘗遊茲山與覩成蹟走書徵之爲記如愚名與慶生九年從季父前靈官道錄正乙復古真人學道於崇禧萬壽宮既又受通妙邵真人清微秘法又玉虛都提點管君授以五雷秘法用是聲益起住持萬壽宮以膺今命初崇禧故宮久而敝甚如愚志圖興復宮之內若威儀院復古堂三清太乙諸殿宮之外其棹楔爲蓬萊真

句容縣志

卷四

古蹟志

寺觀

四十八

境其橋梁爲楚王澗爲陶塘咸次第構葺赫然倍於舊觀而常寧街洞嶺岡路崎嶇者修築以便人行其功實多他若禱雨而雨降驅虎而虎殞則如愚之賢播在人口而感靈昭貺亦不可誣也顧之文主則他故別爲述者茲不及致詳云

德祐觀在茅山中茅峯頂宋延祐間建專祀定錄君

仁祐觀在茅山小茅峯頂宋延祐間建專祀保命君

太平觀在茅山側梁時陶隱居讀書萬餘卷善琴棋爲諸王侍讀永明十年挂冠神武門居句曲山立館號華陽隱居宋元符中改太平觀卽前崇禧觀基也

抱元觀在茅山柳谷泉上舊名柳谷庵政和八年因姑蘇陳希微修行於此敕抱元爲額

清真觀在茅山大羅源中宋政和中吳德清始建爲道人棲泊



之所徽宗朝特賜以觀額紹興閒每歲三月十八日四方道人皆會於此齋時多有鶴至謂之鶴會觀前有晉代古松根盤如龍枝覆如屋

天聖觀在茅山積金峯上

崇壽觀在茅山大茅峯華陽南洞側晉任敦舊宅劉宋元嘉十一年始建壇宇齊建元初名崇元館宋大中祥符七年敕賜今名

元虞集碑記大茅峯之下當華陽洞之便門有崇壽觀者本晉洞天館主任敦故宅宋元嘉十一年路太后始建壇宇太始中廬陵太守孔嗣之重立以奉曲阿高士華文賢齊建元二年敕句容王文清仍立而主之名崇元館武帝以太子至焉唐貞觀初敕改爲崇元觀有太極元年所樹碑石完而文

句容縣志

卷四

古蹟志

寺觀

四十九

泯可識者左拾遺孫處玄文楊幽經書數字而已天寶七年李玄靜先生奉敕重修復民百家備修葺寶曆三年主者有賀思寶則因器物銘識而考見者也宋大中祥符七年敕賜今名大元至治二年句曲外史張君嗣真始來主之顧瞻方臺近對南面左峯疊玉右引大茅之支而四合焉定錄君噉言大茅山下有泉水近水口處可立靜舍陶隱居云近南大洞口有好流水而多石少出便平北有王文清居之則此觀是矣乃歎日山中館宇自齊梁唐宋至於今代有增益求諸晉人之舊惟此與玉晨許長史宅耳而吾所治乃傾廢隘陋特甚豈不在我耶於是度材鳩工更後堂爲太元殿以復舊規象三茅君於中東爲任華王李賀五君祠西爲陶隱居祠充前殿基爲弘道壇自製銘其上壇東玄武祠西爲廣

惠祠後爲文賢講堂而前爲都門門外浚古玉津池盡受大茅南面諸原之水循池西南得昭明太子讀書臺臺東有井曰福鄉井福鄉者因昭明道館名也出諸榛莽著文刻石覆之以序而岩洞泉石之勝近在百步內者皆按圖表之可以觀覽泰定元年上清宗師劉君大彬朝京師授予始末俾爲之次第焉張君吳郡人名天雨內名嗣真字伯雨別號貞居年二十棄家人道徧游天台括蒼諸名山吳人周大靜先爲許宗師弟子得楊許遺書張君從而以爲師悉受其說嘗從開元王君壽衍入朝被璽書賜驛傳顯受教門擢任非其志也卽自誓不希榮進因從三茅之招追奉任君而下五君爲文而告之願畢力茲宇所著外史山世集三卷碧岩玄會錄二卷又尋山志十五卷考索極精博云嗚呼自任君始居此

句容縣志

卷四

古蹟志

寺觀

五十

餘數百年才五人傳焉其自致於久遠者果何托也豈非若後世各誘門人系以私屬如家人父子者哉故寧希闊而有待今張君無前代賜予之助徒草衣木石以營此而曠然思與四方之士共焉爲千載之期豈非豁落丈夫也哉予故與君爲方外友奇其能先予遠舉也故系之詩曰大茅南垂元氣積陰關闔扉陽洞闢曲穴流泉保靈宅任君來餌黃赤石天一召錫太元冊曲阿受養良有擇構宮方嚴自王伯清蹕臨止靈響格虛林森爽化赫奕福鄉帝子發甘液不食何年喪遺甃白雲映空玉清客開元全盛煩百役持節旁午致纁璧爾來蕭條世代隔石鐙刻文土漫畫誰其啟之規古昔句曲外史美冠寫研書千卷視貞白天真景隨玄系釋玉室金堂萬無數

華陽觀在茅山崇壽觀西梁昭明置道靖名鴻禧院一名福鄉館唐寶曆二年敕改建寶曆崇元聖祖院宋治平中賜名鴻禧觀宣和改賜今名

藏真觀在茅山疊玉峯南靜一劉先生藏真峯下宋大觀中奉敕建相傳笮徐二真人亦附藏焉故今三塚

紫陽觀在大茅峯下崇禧宮左方士王全交募資恢復隱居中觀仍置田地山爲本觀常業其師左熙熙者葺園房習靜於中

唐徐鉉撰碑臣聞太初之氣其生也無始眾妙之門其本也無名積而成形散而爲氣乾坤運之而兩儀位王侯受之而天下貞是故斷鼈鍊石之功絕地通天之業衣裳軒冕之后干戈揖讓之君雖復遭罹異途步驟殊致莫不協契於神明

句容縣志

卷四

古蹟志

寺觀

五十一

之域飲和於道德之原廣無爲之爲執無象之象萬物恃生而不有百姓口用而不知其迹也則恪天光表化人而成俗其本也則收視返聽全真而養身至其玉檢登封蘿圖啟後游神象外脫屣區中鑄金鼎而乘白雲登寒門而立玄極闕宮清廟式嚴觀物之場玉洞金壇別啟下都之所由是靈符綜集金籙歧分三元八會之文潛通彷彿七映九華之室密擬形容足以徼福應於含生致孝思於時事聖人繼作靈構相望故茅山紫陽觀者今上敬爲烈祖孝高皇帝元敬皇后之所重修也爾乃星紀儲精下爲峻極河圖著錄縣示禎期自道氣融明真科流演治化宏開於赤縣符圖廣被於名山而華陽洞天實羣仙之都會金陵地肺又三茅之福鄉左憑柳汧烟霞韜映右帶陽谷川源隱鱗伏龍靡迤鎮以雷平之



嶺鬱岡回合浸以護軍之潭郭真人叩舷之池不遷留岸許  
長史鍊丹之井自冽寒泉白霧紫烟照映其上飊輪鶴馭往  
來其中高真七人四處茲地其後貞白真人以玄德應世肇  
開朱陽之館以玉書演秘爰立昭真之臺堂靖疏基玄洲之  
蹤可擬生徒廣業白龜之迹斯存金鈕鳳羅代相傳授龍車  
虎駕世有飛昇及玄靜先生以冲氣含和體庚桑之歲計玄  
宗皇帝以尊師重道屈軒后之順風由是天眷遐臨皇心密  
契維新舊館再易華陽寶鼎洞經潔修無倦芝泥龍簡投奉  
相望戶邑之民奚止奉明之縣樵蘇之禁寧唯柳下之墳故  
得雲物告祥芝英表瑞小周王之瑤水徒詠空歌異漢帝之  
猗蘭惟陳甲帳自茲厥後代有修崇上士名人時時解蛻雲  
軒羽蓋往往降靈皆著之金石播於謠頌嗟呼四時代謝天

句容縣志

卷四

古蹟志

寺觀

五十二

道盈虛雖九炁長存厯劫以滋其融結而三階有象隨時因  
表其晦明則斯觀也埒世運以汙隆與皇圖而昇降赤明未  
啟猶多闕戶之悲白水方興始漸高門之慶孝高皇帝猶龍  
孕德指樹垂陰應樞電之殊祥肖中天之奇表甘盤就學和  
光於六百之初庖正分官利見於九三之際賓門納揆有大  
造於當時彤矢盧弓允至公於四海由是法堯受命祀夏中  
興補西北之不周應東南之王氣御明堂而揖羣后輯瑞玉  
而覲諸侯既治定而功成更憂深而思遠乘奔御朽不以黃  
屋爲尊旰食宵衣惟以蒼生是念知無爲之無敗體上德之  
不德凝神姑射端拱穆清政舉其中事至而應愛民重法敦  
本訓農偃革銷兵守好戰必危之戒卑宮非食懼以人從欲  
之譏故得百寶効靈三辰薦祉遠無不屈邇無不安少康光

武之功獨高帝錄貞觀開元之業更啟孫謀今上承積德之基法自然之道變化無方之謂聖神武不殺之謂仁學洞精微守謙光而沖用明昭隱伏體大度以包荒動則蔽民不矜功而尚智靜惟修政恆務嗇以勸分聞善若驚每賞秋毫之細容光必照寧遺行葦之微化浹風隨時和俗厚嘗以爲天下者烈祖之天下憲章者昇元之憲章垂裕無窮永懷罔極衣冠原廟未足盡思聲樂娛神良非致敬緬慕在天之駕因嚴訪道之宮尋屬長樂上仙濯龍興感載詠生民之頌思弘十亂之功乃眷靈岩誕敷明詔發虞衡之吏集般爾之工執藝駿奔飾材麇至果園之柰供其礮斲北邙之土給其圻墁乃新秘殿秘殿孔碩黯而湛霽屹其穹窿璇題牙照以晶熒珠網交疏而窈窳震殷雷於滴瀝拖宛虹於楯軒忽陰闔以

句容縣志

卷四

古蹟志

寺觀

五十三

陽開乍霞駁而雲蔚儼若虛皇之御穆然太上之容疑御氣以迴躋眇凌雲而遐觀乃立高門高門有閤擬金闕之觚稜洞朱扉而煥照龍章鳳篆以之題署霓旌絳節茲焉出入乃建兩序紛邐迤而重深乃起層樓邈苕亭而顯敞北彌郭干之路南互姜巴之衢赫光景以燭坤麗丹青而藻野速如神運恍若化工每至日薄星迴歲之云暮桐華萍實春聿載陽赤城旋軫之初白鵠會朝之際都人士女舉袂成帷襲靈風而共洽人和仰雲構而方知帝力豈止百年猶畏獨識軒轅之臺三壽作朋永閔姜嫄之廟大哉至矣無得稱焉夫妙本太無名垂不朽挺窮神知化之盛然後顯通幽洞靈之微立尊道貴德之教然後致還淳返朴之理漸於人爲富壽被於樂爲聲詩告於太史爲典冊著於豐碑爲銘篆耿光丕顯其

在茲乎爰命下臣敬書令德詞曰邈矣至道悠哉妙門黽黽  
無物綿綿若存是生清濁爰闢乾坤乃生之民乃作之君德  
盛惟皇功高日帝訪道崆峒求珠赤水下或有知時稱至理  
三正循環鴻圖資始於惟基命赫矣皇唐運啟再造天垂百  
祥玄德昇聞既壽永昌時乘白雲至於帝鄉穆穆嗣君雄雄  
下武禮極配天教先尊祖明發盡思優然若睹敬伫仙游式  
嚴靈宇靈宇何在句金之陵丹霞夕映白霧朝凝重屋四注  
崇臺九層雲生窈窕日麗觚稜三秀交陰五便分徑丹砂流  
液玄洲立靖柳谷絙烟雷池瀉鏡彷彿九華依稀七映至誠  
則感有應斯來含真上客蕭閒逸才飄輪倏忽晨蓋徘徊浮  
黎認土方丈疑臺昔有聖人建言敷教救物以慈奉先以孝  
敬佩直契恭聞大道顯妙用於言象鼓溘風於億兆薦純嘏

句容縣志

卷四

古蹟志

寺觀

五十四

於無窮仰皇猷於克劭

五雲觀在茅山華陽洞西門五雲峯下宋天聖中王文穆公欽  
若之小君許國夫人請於內朝建此以棲公之神景祐四年  
賜額

宋晏殊撰碑丞相冀文穆公卽世之明年其小君許國夫人  
聞於內朝請建道館於茅山之南麓以爲公棲神之所聖上  
追念大臣哀憐時思特命郡守舊相李公迪主其營繕又敕  
公門下吏右侍禁張得一董其力役後十四年夫人以制度  
之未備申命公之猶子右班殿直士顥往增葺焉始賜名曰  
五雲觀僦工於天聖之丙寅已事於康定之庚辰其廣袤因  
崖巘之回抱其奧阡視科文之品第崇堂以宅肖像秘殿以  
嚴真供層閣崛起廣除環構修廊蔓衍高源濬開庖廚有方



廡庫有次其外則壇場著前朝之蹟洞穴表靈峰之蘊喬松  
夾植蔭行旅之勞良田外營資餼糧之給妙擇勤士恭修祕  
式其所以尊奉遺貌妥安淨眾者罔不周具惟道家者流有  
清淨沖虛之說歸真復朴之教後代悅其風者觸類而長於  
是乎幽經秘訣之敷演清都洞臺之照臨三雲八景之鍊修  
童初廣寒之游集上自后辟迄於臣民用資化源著在彝典  
初真宗皇帝既偃武節聿修文事封泰山歛后土謁仙里建  
靈宮務集一王之儀翹追前代之盛公於是時都將相之重  
極風雲之遇與一二元老鴻儒碩生內則翊贊宸猷外則討  
論經禮用成削藁之佐密荷沃心之賞借前箸而謀定申巽  
風而令行至如檢玉介邱瘞繪雕壤近甸巡豫嘉壇哀對咸  
遵秘籙聿彰勤任用三洞之科式先八鑾而啟行公則參儀

句容縣志

卷四

古蹟志

寺觀

五十五

衛之職焉寅受天瑞欽崇祖烈五岳陞號靈泉効祉並敞真  
宇茂昭元貺公又厯置使之任焉總集髦雋紛披載籍纈百  
世之龜鑑述方來之矩矱復詔公典領焉公又以混元之法  
有助亨會雨笈所蘊源流實繁欣逢盛明用得論次乃復選  
通達其學者校讐而辨正焉名山洞石之藏金簡玉文之萃  
多所刊定訖無譌謬本至性之沖漢益聖朝之參會徜徉乎  
叢霄太霞之境諷詠乎廣韶曲素之篇寤寐赤松之游沈酣  
金七之藥間接眞士高談妙樞由是翛然有乘雲驂飄離人  
拔俗之想每出沐休暇元辰令吉特屏世事虔修淨醮壇宇  
嚴邃旌旛颯纒杳塵寰之不接疑景象之有聞綿禩寢久積  
精忘疲乾興壬戌歲分符秣陵眷言茲山實邇茅次俄奉中  
詔卽伸嘉薦注慕靈壤徘徊淨域迺肅自得澹乎忘歸隱士

朱自英者肥遯中岩載更年所公樂共素約宛若石友還朝  
秉鈞之再歲以其名聞召至都下宴語紬繹異於常倫及其  
還山又約他日卜鄰洞府音旨隆密朱君異之後數月而公  
捐館舍且有遺語卜茲締構前後所費私帑凡百五十萬官  
給不預焉續詔朱自英往來臨蒞之皆從公之素志也按真  
誥言句曲地肺土良水清謂之華陽洞天可以度世種民是  
處三灾不干又言至忠至孝之人皆受靈職次爲列仙歲登  
降其幽明如人間之考績則公之結思崇岫歸誠妙象豈徒  
然哉矧夫出應賢運越登極位佐時勳大用物精多非特受  
靈氣夔踰羣品曷以協昌辰之偉任非默契仙籙往階真格  
曷以顯太和之挺生質於前聞其有冥合鳴嘻乘時奮庸握  
文武之柄尊主庇物罄其蘊懷執方持衡不疚風議烜赫輝

句容縣志

卷四

古蹟志

寺觀

五十六

耀以功名自終然後脫遺世氛與羨門偃佺之徒相期於烟  
靄之際不其盛與惟夫人恪奉治命無忘遙追其嗣子殿中  
丞寅亮瞿瞿協心克終勝槩足播徽範永光圖史謂殊夙以  
文翰游公館宇見托撰述著之金石是用拜禮命之辱而忘  
其陋蕪公姓王氏諱欽若字定國夫人姓李氏公之邑里世  
系厯官差次上載史牒下刊碑誌此得畧而不書慶厯二年  
歲次壬午十月乙卯記

元陽觀在茅山茅洞上隆興初吳興道人沈善知者穴居茅洞  
自稱洞主遇韓蘄王茅夫人爲創殿宇於上初名冲虛庵慶  
元間請爲觀名元陽其石壇正壓洞門

唐顧況元陽觀詩此觀十年遊此房千里宿還來舊窗下更  
取君詩讀又日暮銜花飛鳥還月明溪上見青山遙知玉女

窗前樹不是仙人不許攀

天一真慶觀在縣治西北七十里瑯琊鄉

紹真觀在縣治北四十里移風鄉駒驪山神廟側今已廢

昇元觀在茅山鶴廟南政和八年建康守臣俞卓奏請改祠宇

名昇元觀建炎盜燬紹興十四年丹光發於鶴廟故基奉皇  
后中旨重建基南劉至孝三遇靈桃之地

白雲崇福觀在中茅峯西白雲峯下紹興時虛靜真人王景溫  
自華陽知宮退居於是名聞德壽宮敕賜觀額

明曾榮白雲觀詩仙人羽化白雲鄉臺殿峩峩鎖夕陽望氣  
幾時逢尹喜看花前度識劉郎丹房龍虎蟠金鼎石洞烟霞  
護玉牀謾說仙家多勝事藍橋何處覓瑤漿

宋學士戴溪撰碑句曲江左名山洞天福地以茅君隱而仙

句容縣志

卷四

古蹟志

寺觀

五十七

是稱茅山有積金峯當西一面積金之支右轉而特起者白  
雲之峯也道俗相傳嘗見其草木後凋烟霞在望然東西兩  
山靈宮闕宇各奠所宜茲曠弗卜顧有待耶紹興中華陽道  
士王景溫披榛棘鑿岩崖室於峯之下俄以行志修潔聞乃  
卽其居錫崇福觀額暨白金莊田饒益之俾展其成於是甃  
壇場班像設有門鼎峙有亭翬飛堂皇深密廊廡袤延重樓  
傑閣雲層巍峩前闕端逵松杉行列如蓋如幢有赤山湖軒  
豁面勢崇岡秀巒左顧右揖鬱鬱杳杳映帶清深而居而游  
如脫紛拏如蹈仙墟中間方壺丈室上親灑翰揭以虛靜與  
夫紹興以來四朝錫予寶鎮泉石人間世事待有大福德力  
作興風雲會合殊勝然後底乃績今其徒居之思有以稱亦  
反其初而已大林邱山之善於人也亦神者弗勝然而道者



托焉昔之鎮道術者棄絕乎名勢利欲精專乎身心性命唯恐入焉不深且密也待其行成一朝蛻去人方兢兢然持其所棄迹其所蛻以帡幪其隱約鼓鐘其沈潛影響其清風素節而冀得其人如初乃亦甘心焉豢其養尸其居美其衣食寢處如世俗轉復鎮名勢利欲所愚而道術安在是山不特茅隱二許楊陶之遺地不改址往往蓬戶桑樞霞餐柏食托於人之所不堪顧自有丹臺絳宮抱玉懷珠在開白雲者必不專以外境遺子孫也溪之從子挺往來山中人境俱熟道士周觀復景溫高弟求記其師之功緒甚力乃俾挺序次其見聞因附見吾說觀復持歸告語其徒庶有警焉以復其初  
嘉定四年九月望日記

棲真古觀在元符萬寧宮側卽隱居中館也桃源黃尊師居之

句容縣志

卷四

古蹟志

寺觀

宮院

五十八

宣和中賜名觀

明方豪棲真觀詩棲真觀在華陽西幽宅落花迷古蹊凍鳥不鳴白日靜仙鸞已去蒼雲低

按此觀今在大茅峰下祀九天監生神祈嗣者多靈應

俗呼子孫堂別有林中館在崇禧宮左憲副曹公銓建

盧君觀在縣治北七十里瑯琊鄉

慶真觀在縣治北七十里瑯琊鄉

崇寧觀在縣治西北四十里瑯琊鄉

武岐玄帝觀在縣治北七十里仁信鄉

宮院

元符萬寧宮在茅山積金峯下隱居道靖之基混康先生庵居焉元符初以道遇哲宗詔卽所居建觀因名元符徽宗賜爲

宮加萬室之名並門殿諸額皆御題焉建炎盜燬高宗重建御書宮額有趙松雪手書小楷碑

宋徽宗元符萬室慶成頌句曲之山有居其顛誰氏之子象帝之先啟迪後人淑修其身守靜而篤是爲葆真在昔元符作室其下經始勿亟以遺來者我應受之嗣紹厥緒我儀圖之繕此棟宇考彼宮宇因心而友不日成之克相其後乃益其名曰維萬室書以揭之用妥明靈道大無方體用有常以德則帝以業而王坐進此道與道無極神之聽之洽此萬國大學士蔡卞撰碑崇寧五年秋有司言茅山元符萬室宮成有詔臣卞爲之記臣卞拜手稽首而獻文曰德莫崇於尊道業莫大於昭功臣伏覩皇帝自踐祚以來苑囿之觀無所增飾外物之玩無足以累其心者而深觀化原探索道妙澹然

句容縣志

卷四

古蹟志

宮院

五十九

無爲以御羣有心既得此矣且曰道之所在聖人尊之是故山林之士寂寞之濱槩嘗有聞於是者必有以寵嘉之况其上者乎夙興夜寐因任原省以昭前人之光凡已事之未就雖其小者必緝熙之蓋所以尊道而昭功可謂至矣而斯宮之成二美並焉將以詔後世而垂無窮臣是以受命而不敢辭也謹按金陵句曲山在西漢時有真人居焉抱神以靜超然遺物仙聖降而與之言以登雲天推其緒餘以化二季而二季亦以仙去是爲三茅君而世因號其山曰茅山自時厥後光景之異雲鶴之祥笙簫之響震見於山椒者歲嘗有之而方外之士慕道聞風而來者亦莫可勝數熙寧初常州道士劉混康者始誅茅結庵於山之積金峰其始至也拾橡栗以爲食焚柏實以爲香久而甘之不厭於是人稍信異往往

負薪裹糧以給之先生躬有妙行而濟之以常善救物之心每以上清符水療治眾病服之輒愈由是遠近輻輳而先生之名益著矣哲宗召至京師燕見便殿賜號洞元通妙大師且命卽其故居易而新之會改元元符因號其處曰元符觀猶未訖功皇帝二年秋遣中貴趣召先生來朝且詔守臣監司委曲敦諭勿聽其有所辭先生至自茅山入對久之語有以當上心者他日訪以三茅君事具奏所聞乃詔加錫茅君號而卽山構殿以禮祠焉先生又請建皇帝本命殿於東南隅之長生地從之於是鐘有樓經有閣歲度人有數日給眾有田而宮之眾事畢具矣仍降誥以爲葆真觀妙沖和先生而度其弟子爲道士者十餘人其上皆錫紫衣師名以寵之所以尊禮之甚至先生再謁還故山皇帝又爲書道藏經數

句容縣志

卷四

古蹟志

宮院

六十

卷及親畫老子像賜之以榮其歸宮將成御題其榜曰元符萬室宮雲漢之章下賁岩谷是將有神物守護垂之億年與道無極也且以謂是宮經始於元符而落成於今故因其舊名而增之以彰繼志述事之意睿聖相承紹隆真風所謂一宮之成而二美並焉者此也臣既序其事使後世得以觀覽而又係之以詩其詞曰猗嗟三茅得自初成氣合於無與形俱昇孰希其風必靜必清寥寥久哉乃發先生帝用尊之載召來廷乃親其人燕見妙語乃錫命書迨其儔侶因其故廬啟此新宇像圖仙真上肖帝所神筆榜之龍鳳軒翥天錫皇帝聰明孝友抱一用中以綏九有遐邇率從尊道熙功有欲求之與在斯宮作爲好歌以詔無窮

崇禧萬壽宮在茅山華陽洞南門之東卽舊崇禧觀址有道士



王遠知入茅山師事陶宏景傳其道法高祖之潛龍也遠知嘗傳符命太宗平王世充與房玄齡微服以謁遠知曰此中有聖人得非秦王乎太宗以實告遠知曰方作太平天子願自愛也太宗登極將重加祿位遠知固請歸山貞觀九年潤州置太平觀以處之宋祥符元年因祈禱改名崇禧觀其祈嗣獲應每歲建金籙道場命句容縣宰充代拜官設醮於此由是總轄諸山此觀爲宋延祐六年改額爲宮

宋張商英撰碑東南之望曰句曲山蓋華陽洞天地肺福地易遷含真之所宅司命童初之所治晉宋以來得道之士二許楊陶遺壇故宅猶有存者宮觀十二崇禧總之國家靈承天心敷錫民福鏤金之虬鏤玉之簡妙真之香丹素之詞歲修常典間遣王人設官以提其綱賜田以贍其眾宜其宮闕

句容縣志

卷四

古蹟志

宮院

六十一

壯麗列聖下居廊廡深嚴萬靈侍衛至者悚然有以移其視聽居者肅然有以洗其心志仙科秘範之所出寶章靈篆之所宗而希夷淡泊之門寂寞無爲之教學士大夫未之或講州縣政事又非所先田租所人悉籠於官道侶計口而賦糧有司互券而出納方斗筲之鈎考孰土木之暇議上下顧望歲月因循屋顛而不持榱故而不革圯廢而不興垣頽而不作寶文待制何公君表在元祐中以趣向背時提舉西京崇福宮居金陵嘗至山中熟知其弊紹聖親政召對便殿明年移鎮於此伸發曩志議營繕之會商英謫蒞管庫公倅圖以授商英日子於道家之學博且久矣凡向背開合之不如經者其悉據古考正之商英視圖南面三門則道俗出入之所由也三清北極本命三殿相直而玉皇殿乃在東隅商英謹

按老子之書曰天法道道法自然自然者清氣之始也其天爲清微其境爲玉清其天尊爲元始其帝爲玉皇所謂道者氣之純清也其天爲禹餘其境爲上清其太上爲大道玉晨君其帝爲天皇所謂天者氣之積清也其天爲大赤其境爲太清其太上爲老君其帝爲北極本命者支干之神以統於北極者也北極者中天之樞以口口皇者也今以北極次三清以本命次北極而玉皇居左非道之序也神而來格亦莫安於其位矣請先玉皇而後北極而左本命三門者神靈之所由也非祠醮則闔之東建道院西設賓館如此則尊卑不相亂道俗不相淆人神不相雜矣公曰善乎論也茲山宮宇古今廢置不一道術之士有在於是者亦已多矣曾亡一人以三氣三天三尊三帝之說辯正升降者豈崇無而復靜者

句容縣志

卷四

古蹟志

宮院

六十二

或闕於羣有之用造有以致動者或昧於至無之體代正移句容縣如子之議因而完之矣越明年五月玉皇殿成奉安之日有雙白鶴終日迴翔遶唳其上於是上清大洞法師劉混康與其受籙弟子日異時白鶴常以三月十八日來集或有或無亦不常也今殿成而鶴降非何公崇敬之誠默與真契其何以召此祥請繪公像於別室以永我邦人之思己事而求記於商英乃序而系之以頌曰一氣之先強名自然致虛爲道運道成天三彰一隱一立三全分爲九氣列爲八埏峩峩茅峯東南之望帝居道祠於山下上厥初經營先後錯爽何公正之靈報如響儀儀者鶴來自雲霄誰其駕之於焉逍遙氣合太沖神遊沆寥監觀在下德馨孔昭宮室絢絢岩谷煥煥風馬霓旌侯止侯燕維山有祥維國有良天子萬年

賚及四方何公于蕃百治皆具神之聽之亦惟公故錫爾嘉穀宜其邦人介爾多祜耆寧厥身邦人感仰繪公之像配山久長以對景貺

華陽宮在茅山積金峰西卽隱居上館也天寶間明皇從玄靜先生受上清經錄於此

下泊宮在中茅峰大羅源西大司命以漢地節三年自咸陽昇舉乃下泊句曲以候二弟隱居云父老相傳大茅之西北平地棠梨樹間名下泊處謂是司命故宅唐貞觀十一年重立碑

宋陳輔下泊宮詩咸陽龍虎此飛昇二弟東山道亦成不見棠梨司命宅空餘丹井一泓清

祠宇宮在中茅峰鶴廟側天寶七年敕在鶴廟下立精舍度道

句容縣志

卷四

古蹟志

宮院

六十三

士焚修祀三茅道祖

燕洞宮在小茅峰方隅山東

唐陸龜蒙洞宮秋夕詩月午山空桂華落華陽道士雲衣薄石壇香散步虛遲杉露泠泠滴棲鶴

明顧起元燕洞宮詩石房雲臥不知春靈嶠何年駐玉真忽問仙源非漢代恰逢毛女是秦人丰茸葉盡名銀草清淺流多號玉津欲論龜山臺上事自憐蓬海隔音塵

九霄宮在大茅峰頂卽聖祐觀也漢建石壇石屋祀三茅君石像齊梁間易爲殿宇宋延祐三年敕建聖祐觀明萬曆二十六年敕改九霄宮

明林春澤詩紫府高盤華蓋上青天句曲謁茅君神州自是蓬壺境玉闕平臨象緯文龍女春迴千嶂雨鶴巢宵托半間



雲齋居潛景道心長仙語分明警效聞

湛若水詩雲塞前無路徐行乃有通不知轉忽間脚踏最高峰我衣濕寒雨我袖飄天風三茅皆失色萬象歸玄同玄同夫何如吾乃觀無窮

陳沂詩山上起琳宮朱樓紫閣重野烟生夕景霜葉綴秋容白石維橫路丹梯掩映峰道人前指領隨處說仙宮

陳繼儒詩人間沈沈夢未覺夜半月出登仙閣紫芝瑤草生天香鶴夢未了松花落古壁寒泉積蘚長春潭雲木幾千章何年乘犢入山去醉石前頭結草堂

聖祖院在大茅峰下崇元觀前

唐賈餗撰碑唐寶曆二年歲直丙午浙右連師御史大夫贊皇公新建聖祖院於大茅峰下崇元觀之前上直夫華陽洞

句容縣志

卷四

古蹟志

宮院

六十四

之南門集羣仙之靈慶資聖壽於億萬本其經始實感周先生出應昌運爲唐廣成薦瑞表祥式旌不朽於是恩錫院額號曰寶曆崇元聖祖院玄門之盛輝動岩谷時唐興二百有九載天子以神聖文武維新景命德合乎五千文之玄訓明繼乎十一聖之丕業以清淨源化理以仁壽域生靈陶之以太和躋之於至順故自臨御大寶則詔百辟旁延萬邦推誠備禮徵訪治道寤寐孜孜如恐不及夫明天子勤求於上必賢邦伯感致於下君臣一德而道德可興乃其年秋七月公以天子之命齋戒虔懇果得周先生日息元實元精之全德大道之宗師也先生葆真抱一涵光吹萬天下聆其風者久矣而遐襟曠迹冥寄希夷顯晦自我人莫能識夫玄珠非喫詬可索至道惟精誠是致故累聖所不能起而一朝感契洪

化烝然來思且謂公曰昔廣成對理身之問鴻濛啟養心之說二者皇上之大本也今息元亦將以斯道上報吾君公於是澄心清神思所以慶皇休而贊景福遂與先生圖議選置玄宇相彼形勝莫靈此峯昔梁朝福鄉太子置道館二古壇廢井遺址猶存乃鏟荒夷險鬱起層構散俸錢以資其費擇幹吏以董其役翬飛矢直不日而成像設崇嚴殿宇沈邃神仙儀衛左右森列并按舊史氏得仲尼問禮關尹請著書之像咸備於前蓋將會通仙而肅百靈以永爲國家齋醮之勝選也况三茅精氣二許馨烈古來得道者代有其人考傳驗圖若可攀揖而繚垣之內有流泉嘉木滋飾幽潤地靈境秀觸類增益懋此成績與山無窮仰惟聖祖育德乎太極之前顯仁於未形之表當是時也合散消息莫可名象明而爲日

句容縣志

卷四

古蹟志

宮院

六十五

月動而爲風雷播育而不測運行而不殆君得之豕韋以挈天地臣得之傳說以相武丁吾何爲哉道本一貫及夫神化挺生含章炳靈象帝之先資我強名將寄言以顯玄樞錫羨以興皇業猶龍既見萬物方覩是宜夫垂休儲社長發其祥億萬斯慶集於寶厯此崇元新院所以得時而啟也初公以上方崇嚮道德之士可以當是大選者惟周先生一人而已故其招致之忠盡訪求之精實則先生不得不出而公之誠節不得不伸既而聖情感愜萬國瞻賀其逢迎之優異禮貌之嚴顯自古尊師重道之盛無以加也則真宗玄極至道之精不得不洞契乎上心播宣於至術俾風流澤浸廣被八區此先生所以出而不疑亦所以示天下之不可不致如己者當吾君之至理適吾道之可行千載一期起乃時耳矧公以

濟代全材合乎休明樹風南藩績最天下前歲興建儒學而  
天降膏露顯於廟廷俗變風移遂至於道今之輝崇真館闡  
奉玄化上感睿旨下孚元元仁聲順氣流溢四境推是爲政  
大而伸之則致君經國之用可見矣又况封部之內融汰之  
下徧識玄元之教俱爲崑嶠之人顧難乎哉鍊謬列屬城獲  
詳事實又嘗以春秋屬辭爲學故承命奮筆直而不文其銘  
日聖運光啟山川効靈黃帝爲君起乃廣成崆峒至言今復  
行兮明明天子以道致理方伯虔誠先生戾止累聖莫致今  
茲起兮玄感既宣化流溥天公拜稽首天子萬年何以薦神  
御玄元兮悶宇崇崇聖祖尊容神而明之神應豐隆華陽仙  
洞大茅峰兮金榜瑤壇仙衛真官羽節凌風珠佩珊珊是醮  
是齋百福延兮名從天錫境占地久下薦臣忠上資聖壽靈

句容縣志

卷四

古蹟志

宮院

六十六

山萬歲績不朽兮

華陽道院在茅山元符萬寧宮東

元趙世延華陽道院詩涼飈集庭柯秋氣殊未肅挾雲度崇  
岡訪古瞰岩谷午亭琳宇琴清致超冰玉愧爾白雲人幽棲  
非落落

吳全節詩鼇戴三峯擁客槎米真訪古意無涯雲山夜雨棠  
梨樹宇宙春風棣萼花龍洞遠分丹井水鶴松高映赤城霞  
宗師應帝光前緒仙館新開第一家

趙孟頫書碑道家者流有符籙之法謂能呼吸風雷役召神  
鬼或者疑焉天人一也寒則體慄暑則體燠是形吾者天也  
周吾形者無非天也故曰天人之際感與應而已惟其人氣  
之戾始與天乖愚夫愚婦一念之烈猶能有動况高人德士



棲身孤篋鍊行精純志之所在天必不違昔在世祖皇帝時  
句曲許宗師來朝有禱輒應上異之特詔主其諸宮觀紹傳  
符籙許宗師將化手印待今王君至而傳之大德二年淮南  
蝗本道宣慰使禮請君至江都醮而禳焉俄而未羽者殪於  
雨羽者有鶩蔽空而至啄食之食而復吐吐而復啄如是連  
日蝗不爲災先是旱禱而雨淮南人大駭悅爭持金帛拜而  
酬之卻之不退送者填道歸曰吾豈必夫景貺哉第竭吾誠  
以濟吾法至於兩獲捷應全活數郡者實三茅君有相其往  
且寶運方隆不當有餓民耳其所酬金帛苟橐裝之是幸功  
也吾以別館三君而祝釐於國兼祀二親以報其私庶乎稱  
也是年遂營於元符萬靈宮之東仰挹颯輪俯瞰金菌山得  
所峙水得所經隈靈卽秀巧適地宜儉不至陋奢不踰制凡

句容縣志

卷四

古蹟志

宮院

六十七

爲屋五十餘楹象三茅君於主殿依其考妣於翼室肇基訖  
工盡六年號華陽道院至大三年夏天子命玄教嗣師吳真  
人醮祀江南始於句曲君出迓京口真人曰香幣上所祝而  
手以授余余將之無敢不恪暑雨方淫詰朝當抵元符雨淖  
或沾亦惟神羞君曰敢敬諾翼日雨垂不下既奠香幣大雨  
行事之日復止真人還朝爲余縷言王君如右因爲求銘華  
陽余聞王君簡而章莊而和靜方而動圓蓋有道君子也故  
出言而灾弭有禱而神彰功成而不宰德充而愈約由是制  
授養素通真明教真人夫句曲之爲名山舊矣高人德士游  
息其間者以其幽深隔世囂紛絕迹駐靈光而資悟賞也旣  
紀其事仍繫之辭依倣步虛之聲寫其閒遠之思君名道孟  
號牧齋建康句容人嗣四十四代宗師辭曰句曲嵯峨窈嶺

啓神仙所宅闕雲局霓旌羽蓋搏紫清儵來忽逝何杳冥通  
眞真人鍊元精餐霞服氣方瞳青棲遲陽谷吹玉笙瑤裝駐  
鶴崑崙庭蠲灾弭變翼世平揚休儲慶奉天明遠心絕物思  
蓬瀛手持青芝對丹經瓊都琳館吾此營大招眞侶捫幽靈  
爰清爰靜無勞形無搖爾精可長生下觀塵囂百憂嬰醉生  
夢死悲短齡重陰無罅窺日星有欲從之視此銘

靈寶院在茅山玉晨觀卽昭眞臺故基唐孫智清王棲霞重建  
奉靈寶天尊像額曰靈寶院內有老君瑞像殿先是玄靜先  
生所立高祖時老君屢降晉陽羊角山因請立像大觀三年  
四月玉晨道者梁悟眞旦汲殿前周眞人池忽覺紫煙彌覆  
其身烟中見老君乘白馬以加句天童經授梁梁本庸愚自  
是不食誦經言人禍福有驗天童經刻石傳焉

句容縣志

卷四

古蹟志

宮院

六十八

龍源道院在縣治西南四十里上容鄉五渚村天寶間道士湯  
應崇創建其地峯巒環拱洲渚縈迴明洪武初外史周易初  
讀書於此爰其幽雅可以逃俗遂徹舊圖新結屋終老成化  
五年道士孔應玄建眞武樓三清殿山門大室參差竹樹之  
中頗稱名勝

崇眞道院在縣治五十里臨泉鄉

靈濟道院在縣治東北二十里移風鄉

清微道院在小茅山燕洞宮側道人丁合幽建筮重光題額

廣惠院在縣治南三十里崇德鄉

接待院在縣治東南三十里句容鄉

大聖院在縣治東四十里望仙鄉

招慶院在縣治東北四十里望仙鄉

證聖院在縣治北六十里仁信鄉

句容縣志

卷四

古蹟志

宮院

六十九



殿壇

銅殿在寶華山隆昌寺高二丈三寸濶一丈五尺深一丈三尺五寸梁棟櫺窗瓦屏楹悉範銅爲之明萬曆三十三年釋妙峯奉慈聖太后各賜金錢創建

國朝康熙四十六年

聖祖仁皇帝巡幸

御書賜蓮界雲香額

明鍾惺登銅殿詩一路陰晴屢不分山中風候易紛紜村過數日無紅葉江近雙峰似白雲蛇虎夜深求懺度鼓鍾人定示聲聞可憐世外僧經濟金火須臾歷劫勳

鮑鱗宗詩獨上千華寺瞻依大士前林深涵水月山迴入雲烟坐化長生地燈分不夜天慈心隨刹現靈應自無邊

句容縣志

卷四

古蹟志

殿壇

七十

明太史焦竑撰碑蓋聞染淨融通託徽猷於法界根塵泯合震宏響於支提道妙無爲功存有作故三千寶座迴出天宮八萬珍臺遙臨淨域撫神機而獨化攜弱喪以同歸其來尙矣然峩峩之鐵瓦堅固冶鑄未精崇嶺之金屋輝煌規恢未廣若夫瞻其容備來五梵崇其居錯於三品繩之而爲路布之而爲園觸目所成靡非一色未有如華山之觀音殿者也是有妙峯師福登者爲晉之蒲州人通達無礙慧解多能勤求於八清淨心成就於五菩提法曩於西蜀廣購南金造大士像三軀各爲殿以貯之文殊普賢奉安有所獨觀音大士擬送普陀緣事未果乃徧卜佛前得華山而定居焉爾其下控金陵上纏珠斗山川磊落郊圻枕豐鎬之都島嶼縈迴烟霧合朝宗之浦實一方之勝爲萬國所瞻於是卽寶誌之

遺區爲觀音而兆跡乘空授矩揆日端繩總銑鎔之良材盡  
梟桃之能事實殿設而人天聳聖容開而緇素集震動三界  
謂彌勒菩薩下兜率之天照耀十方若多寶如來涌耆闍之  
地倏爾而銅山崛起須臾而金輪自至天龍八部羅列於垣  
墉動植千名縱橫於戶牖足使舟遷夜壑不變度門劫算墨  
塵永垂貞範豈止衝颿蕩岳難搖忍地之靈烈火燎原不撓  
堅林之色而已哉自是接相好觀音聲可以軻劍鋒可以濡  
火宅人影而三途脫投地而八難消指陰界爲妙門驅塵勞  
爲法侶聚沙皆成佛事合掌而入聖流卽有相之塗詣無生  
之理其功豈微也哉聖母慈聖皇太后及今上皇帝念聖祖  
龍興之地闡繹眞乘羽翼大化爲功不淺各賜大藏經一部  
滲金塔一座山名寶華山寺名護國隆昌寺并給金錢助其

句容縣志

卷四

古蹟志

殿壇

七十一

修葺俾守備內監劉朝用董之是役也具足三施積累眾功  
爲無算數之妙果有不思議之神力不佞嘗因扣寂屬委摛  
詞幻境難留歎人琴之頓盡仁慈在望幸琬琰之可刊欲書  
紀事之碑敢讓當仁之筆頌曰無量智慧火鍊此無明銅戒  
定以爲模鑄成無漏殿巍巍復堂堂中坐觀世音孟水青楊  
枝珊瑚大寶珠如紫金光聚隨取無弗得亦如帝釋宮嚴飭  
爲第一然此有爲法究竟非堅固如雕冰鏤雪終歸於烏有  
由成乃得住由住而爲壞孰知成壞中有不壞者存稽首大  
悲尊願度恆沙眾共證金剛身萬劫長不毀

無梁殿有三一在茅山玉晨觀二在寶華山銅殿左右一名文  
殊一名普賢皆累甃而成殿故名

九層壇在乾元觀宋大中祥符中朱觀妙築此行法

天市壇在華陽洞天之中央玄窗之上玄帝召四海神使運安息國天市山盤石覆洞天之上故名又曰仙人市壇昔保命丞趙威伯善嘯如百鳥雜鳴或如風激眾林或如伐鼓之音時登天市壇上奮髯北向長嘯呼風須臾雲翔其上衝氣動林或冥霧歛合零雨其濛

上清宗壇在積金峯元符萬寧宮前上祠歷代宗師宋理宗御書壇額俗謂九層臺

石戒壇在華山銅殿下有佛制戒壇額壇始以木爲之釋見月易以石週以層欄承以蓮座其規制悉遵律範

國朝康熙四十六年

聖祖仁皇帝巡幸

御書精持梵戒額

句容縣志

卷四

古蹟志

殿壇

七十二

繡水王著石戒壇小引曰戒壇佛律地也余讀遷史諸志禮樂之後必繼以律知律之有補於禮樂也久矣漢庭叔孫通習綿蕞起朝儀諸侯羣臣數百人朝竟無敢喧譁失禮者高帝曰吾乃今日知爲皇帝之貴叔孫所定之禮使莫不振恐禮卽律也今觀戒壇戒子數百人威儀嚴整如細柳營無敢犯儼然叔孫禮也戒壇律地不以景重因作詩三律志之

佛旨尊嚴聽始知漢庭如見叔孫儀飯鐘靜領三千指心鏡嘗懸十二時戒本根源生定慧律先宗法斷貪癡儒門澹泊難收拾禮樂相看轉在茲起人恭敬是叢林至此尤增恭敬深山擁蓮華華卽寶壇開淨土土爲金林泉似受多生戒烏鼠嘗施無畏心安用普陀瞻化蹟松濤不異海潮音楊枝漱齒石泉清起息惟聞鐘板聲比屋莫交同戒語出坡方



問隔山行鳥知過午先求食樵禁當春不伐生草木昆蟲皆自得布囊漉水向空鑄

弘道壇在崇壽觀外史張伯雨建仍潘尊師嵩陽壇名

明皇受籙壇在中茅玉柱洞側

火浣壇在金茵山大澗上林真人火解處

長史壇在小茅山玉晨觀左上刻貞白先生立

隱居埋名壇在玉晨觀右即隱居所謂東位青壇西表素塔明兩教雙修之義

### 菴堂

葛仙公菴在縣治西青元觀側仙公痊劍之處故老傳言其山門本西向後經修理移以向南一夕風雨大作仍移向西見仙公靈異如此又殿前有銀杏樹兩株大逾十圍相傳結果

句容縣志

卷四

古蹟志

殿壇

菴堂

七十三

極多果熟兒童爭以石礮擊之致碎殿瓦呼禁不止有嚴道士具疏焚祖師前明年果遂不生至今猶然

圓通菴在縣治南兆文橋側僧明心徒真宏募建給諫石林祝

公題扁名菴太史蘭嵎朱公復書兆文精舍以畀之

集慶庵在縣治小南門烏翅岡

永新庵在縣治南門內青元觀右僧興蓮建邑士王化捐資倡

始其徒了悅仍構別室於菴前大宗伯忠銘王公題爲今名

戶部郎思韋陳公書城南精舍揭於菴門乾隆年間邑令周

應宿題爲白雲窩

歸善菴在南門外一里許相傳黃巢起兵至此歸善故名因有

像在內南去六里爲劔塘云黃巢投戈處也

延壽菴在縣治東南隅

恭河菴在縣治南六十里承仙鄉

唐陵廟菴在縣治南六十五里承仙鄉唐陵村相傳爲南唐陵寢之地今無考惟此古刹也

衍慶菴在縣治南七十里承仙鄉

上真菴在縣治東北十五里移風鄉

趙村菴在縣治南六十里承仙鄉

范家堰菴宋居士江濟川建在縣西三里許通德鄉

菩提菴在縣治南上容鄉西庫村僧人眞喜建

地藏菴在西門外五里許杜家山麓

興古菴在縣南六十里上容鄉

寶積菴在縣治西北七十里瑯琊鄉

相王菴在縣治東北三十里孝義鄉

句容縣志

卷四

古蹟志

菴堂

七十四

華嚴菴在福祚鄉闕巷村僧人如性募建

彭山菴在縣治西南七里福祚鄉

善應菴在縣治東五里句容鄉

北圓通菴有二一在縣治東北四十里望仙鄉一在縣治北二

十里鳳壇鄉

勝潭菴在縣治東北四十里望仙鄉

平泉菴在縣治西北五十里瑯琊鄉

普度菴在縣治北四十里

奉祠菴在縣治東四十里望仙鄉

顧雲菴在縣治東三十里來蘇鄉

顏墳菴在縣治東三十里來蘇鄉因唐顏魯公葬衣冠其地立

僧菴墓傍以守墓中供常山魯公二像元時朱竹山慕其忠

義捐田二頃以爲永祀之資後爲土人所侵明末朱氏子孫  
清釐之至今香火不絕

敬德菴在縣治南二十五里句容鄉

許村菴在縣治西二十里通德鄉

觀音菴在縣治東北四十里望仙鄉一在縣治東南三十里句

容鄉一在西門外一里許官路傍

興谷菴在縣治北三十里鳳壇鄉

任墳菴在縣治北三十里孝義鄉

紀家菴在縣治北高驪山紀氏墳傍

澗南菴 澗北菴 許墓菴 俱在縣治南五十里上容鄉卽

舊朱莊廟

圓錫菴在大茅龍尾山紹興間毘陵道者虞慧聰頤苦行棲

句容縣志

卷四

古蹟志

菴堂

七十五

大羅源日織草履二緡以易粟每夕禮斗致感黑虎伏其旁

高行知名召見德壽宮賜以齋米對曰野人無用留作軍需

上一笑放還山遂徙龍尾之前

郗尊師菴在茅山茅洞前尊師遺名遺世累甃爲垣鑿石爲白

纜方丈餘遺竈蔽荆莽中西清陳公紹興間築菴始見之

抱朴山菴在茅山抱朴峯相傳許長史孫黃民娶稚川孫女結

菴居其處

天信菴在颯輪峯下楊亶甲先生居之自謂平生未常求信於

人惟求信於天耳

棲白菴在丁公山宋學士秦焞爲元符張洞元建

宋呂江棲白菴詩門外竹千个崖顛兩徑分奔泉流碎月高

樹礙行雲游客倦欲臥道人言所文但云秦學士曾此遇茅



君

口口菴在中茅玉砂泉上劉莎衣先生居之

唐若山菴在郭干塘東若山唐開元中為潤州刺史棄官來山

今林屋猶有殘碑

凝神菴在中茅黑虎谷中紹興間祠宇宮張達道先生居此高

宗欲賜觀名辭焉

宋梁大柱凝神菴詩菴廬占勝倚巖扃中有高人謝俗名書

卷獨存標月指松風疑聽唱潮聲衲摩銀鼠花生纈墨灑金

鸞草間行回首浮榮空一夢湖光醮碧遠山橫

潛神菴在積金峯元符宮頂混康與沖隱養素結茅修鍊之地

徽宗為新之賜此名俗稱團瓢基也

福田菴在縣治北二十里仁信鄉僧瑞林募建邑人朱照修為

句容縣志

卷四

古蹟志

菴堂

七十六

之記

玉泉菴 積金峯菴

雲谷菴

奉真菴

迎真菴

二館菴

迎真菴

鶴臺菴

常靜菴

超然菴

萬松菴

喜客泉菴

俱妙菴

朝陽菴

思真菴

歸真菴

淨真菴

澄真菴

石堂菴

慶和菴

上喜菴

守柔菴

靈寶菴

秀雲菴

青龍菴

真興菴

志和菴

素華菴

和福菴

仙臺菴

丹谷菴

靈真菴

修然菴

靖虛菴

通泉菴

太和菴

致柔菴

善慶菴

妙法菴

熙真菴

如常菴

靈泉菴

四仙菴

洞陽菴

通靈菴

口口菴

金真菴

黃靈菴

沖慶菴

崇德菴

口口菴

九錫菴

草堂菴

三華菴

靈壽菴

□□菴 老壽菴 觀妙菴 洞清菴 東華菴

□□菴 高靈菴 圓慶菴 朝真菴 隱深菴

抱陽菴 和真菴 仁和菴 抱元菴 集禧菴

至聖菴 拱極菴 養素菴 居靜菴 濟陽菴

朝元菴 百丈菴 體純菴 元真菴 扶虞菴

寧淨菴 明真菴 澄虛菴 淨隱菴 凝熙菴

守一菴 常應菴 德善菴 熙寧菴 洞仙菴

養拙菴 元通菴 德潤菴 洞元菴 玉掖菴

見素菴 朝斗菴 延真菴 瑞雲菴 慶雲菴

以上諸菴俱在三茅之間今皆毀廢其出蹟亦無可考聊依金陵志萬曆順治兩舊志及茅山志祇存其名於不沒而已

□仙菴 □□菴 一了菴 甘露菴 止白菴

句容縣志 卷四 古蹟志 菴堂 七十七

以上俱在乾元觀

凝雲菴 谷神菴 崇真菴 碧虛菴 居常菴

正一菴 登神菴 元德菴 柔和菴

以上俱在茅山拱辰谷宋熙寧間道士潘道堅任祖師建歸併仁祐觀

一葉菴在寶華山南麓走馬山 穿雲菴在寶華山西

鹿山菴在寶華山南麓鹿山 定水菴在龍潭鎮蟠龍山

□□菴在寶華山東麓 雪浪菴在寶華西南雪浪山下

□□堂在縣治南十五里福祚鄉住山許德明孔如通募建

□□堂在縣治南三十里崇德鄉

□□觀音堂五所一在馬疲岡一在上察司一在白塔一在江

□□□□□□□□□□有菩提真境四大字 卷四終

